

續輯咸甯縣志



夫天之道也東仁而首西義而成故清泰所居指於城

事者已地之德也川浮而動麓鎮而安故者關所臨取

於安定者已茲寺大抵厥旨元同是以回向度門纏於

郭右仰止淨域列乎岩巔寶堂岌業於大虛道樹森峭

於層渚無風而林壑肅穆不月而湘浦澄明化城未真

梵天猶俗名稱殆絕地位嘗高者不其盛與麓山寺者

晉太史四年之所立也有若法崇禪師者振錫江左除

結澗陰嘗與炎漢太宗長沙清廟棟宇接近雲霧晦冥

赤豹文狸女蘿薜帶山祇見於法眼實后依於佛光至

咸甯縣志

藝文卷七

碑

請舊居特爲新寺禪師洎異日宏聚謀介眾表之明詔

行矣水臬有制丘墟盡平大康二載有若法導禪師莫

知何許人也默受智印深入證源不壞外緣而見心本

無作真性而注福河大起前功重啟靈應神僧銀色化

身丈餘指定全模標建方面法物增備檀供益崇廣以

凌雲之臺疏以布金之地有若法慈禪師者江夏人也

空慧雙銓寂用同轡茲目相視淨心相續綜覈萬法安

住一歸註大道經究上乘理永託茲嶺克終厥生逮宋

元徽中尙書令湘州刺史王公諱僧虔右軍之孫也信

尙敬田作爲塲廟追存實相加名寶山矧乎弓冶筆精

陶甄意匠留書藏石緘妙俟時候法宇之傾低期珍價
以興葺遠慮將久遺事未彰梁天監三年刺史夏侯公
諱詳了義重元別構正殿紹泰二年刺史王公諱琳律
師法賢或在家出家或聞見眼見建涅槃像開甘露門
長沙內史蕭沅振起法鼓宏演梵言繼捷捷於景鍾納
貝葉於層閣陳司空吳明徹隋侍中鎮南晉安王樂陽
王弁佛性森然國禎秀者壯廻廊以雲構蔚懸居以天
覆開皇九年天台大禪師守護法身澄清悲海嚴幢標
聳智火融明襲如來堂坐法華定國行樂而不取三賢
登而更遷有若曇提法師者伐林及樹染法與衣不墜

咸甯縣志

藝文卷七

碑

二

一滴之油有沾六根之雨總管大將軍齊郡公權公諱
武福德莊嚴喜慧方便流寫四部鐘重百城有若智謙
法師者願廣於天心細於氣誦習山頂創立花臺有若
摩阿衍禪師者五力圓常四無清淨以因因而入果果
以滅滅而會如如有若首楞法師者文史蚤通道釋後
得遠涉吳會幽尋天臺法界圖於剡中真訣論於湘上
具究竟戒敷解脫筵一法開無量之門一音警無邊之
眾方等有以復悔雙林有以追遠并建場所互爲住持
維惠鏡禪師者迹其武憑其高超乎雲門絕彼塵網深
以爲性習道有因止於心返於照習也者坐乎樹居乎

山因也者固習而無因則不往因而無習則不證是浮
漚和正覺阿若冥搜想息而精進甲堅受除而煩惱殼
散百川到海同味於鹹千葉在蓮比色於淨起定不離
於平等發惠但及於慈悲故能聞者順其風觀者探其
道牧伯萃止皇華漸臻啟焚香之上緣託成佛之嘉願
上座惠泉寺主惠亶都維那興哲等皆靜慮衍成妙輪
轉次因差別而非法隨品類而得橫去二見而入流率
一心而辨事咸以形勝之會如彼修行之迹如此而豐
碑未勒盛業不書安可默而已哉將何以發揮頌聲披
揚宿志者也司馬西河竇公名彥澄碩德高闡紹賢遠

咸甯縣志

藝文卷七

碑

三

識器宇岳厚檢操冰清屬以師長闕官攝行隨手以家
而形於孝友以己而廣於詩書以重而雅俗自興以明
而志道丕若且猶歸心淨土模範佛乘摧憍慢之外幢
興開示之真語爰謀羣吏乃命下僚顧蚊山之易疲歎
龍宮之難紀其詞曰天地有象聖賢建極晏坐中巖成
道西域後代襲武前良作則安樂是依靈鷲是式一想
冥契三歸願塞其一金方置廟衡嶽開揚擁錫龍像人
天護香鬼神賜土靈化度堂重鎮牧伯上遊侯王光昭
法侶大啟禪房其二幽谷左豁崇山右峙瞰郭萬家帶
江千里玉水布飛石林雲起雷激庭際月窺窗裏花臺

隨足天樂盈耳其三人與地靈心將法滅既往在此比
明齊哲佛日環照牛車結轍連率順風駟驪欽烈訪道
追勝形馳目絕其四碑板莫建軌物未宏和合是請佐
貳是膺政敷大郡信發廣乘願言有述以訪無能惟石
可久惟山不崩其五

重修廟學碑頌

副使魏

裳蒲圻人

天子以孔子之道師天下使郡邑立學世所稱賢公卿
大夫何嘗不遵孔子之業也傳言郡邑長吏崇化以厲
賢才治行著若於庠序之事未遑亦淺之乎其治矣漢
殷褒修起學宮布文明之化晉范甯興學勸士後世多

咸甯縣志

藝文卷七

碑

四

其作人當時少府用度躬自省約崇儒抑俗潔己先之
非誦法孔子然耶劉大夫爲咸邑始下車存問邑中耆
老咨民瘼加意拊循逾年治成文教興卽漢晉二子亡
讓己一日進學弟子曰國家功令多士習之吾所職者
豈直校文藝給糈養哉孔子之廟不飾謂有司何乃命
工程材新棟宇修泮池及學宮弟子舍皆治始壬申冬
至今夏卓有成功文學畢君則使趙生鶴屬余言竊以
褒甯有聲漢晉間其所用者大也乃所臻治理之效則
自作人始之予觀大夫治行豈不庶幾古昔哉載稽往
牒咸自宋慶厯始爲學人才盛馮京陳求道皆當世所

謂賢人無論成名高第也京入政府危言抗節忤安石
惠卿求道不屈邦昌至拒劉忠以死精忠偉烈天下至
今高之豈非學之效乎大夫泮宮作士子衣冠俎豆其
中由聖人之道以垂令名不朽大夫名由是益賢也乃
爲頌曰今 上御宇文治中興魯侯穆穆明命祗承鞠
躬履方旣令儀德居今行古棣棣其則惟民康乂多士
作孚昭閣革濁人易其趨豫章榮陽名非虛立佐王寵
靈君師無斃豈弟君子邦國之光一言於石泮水之章
重修張家橋碑 孟養浩

余過張家橋見貞珉翳道左臯臯隆隱草中拂薜讀

咸甯縣志

藝文卷七

碑

五

之不可辨識因笑曰嶧山無字碑何年至是或曰此橋
也嘉靖丙辰僧慧照實募建焉費金不貲礱石欲紀成
事未果照實志沒三歲復經其地則橋啗於水者幾半
照孫方繼持疏詣諸善姓門述前事眾無不欣然樂輸
釀金百兩有奇橋復成至是振前碑蒿萊中而徵余文
余曰有是哉三善備矣濟眾仁也預待智也繼志孝也
橋圯水勢溢徒者輿者踉蹌泥淖中不得前此天下之
至危也且也壘石爲橋厥費鉅勢必合眾力竭數年以
與水爭事固未可知矧豐凶不恒力絀舉羸誰其身之
事半功倍惟此時然矣往照募建在丙辰今甲子週矣

繼必欲得當以竟其祖之志茲橋就緒矣其平如砥其端如徑夭矯若虹卧吐吞若鯨吸蓋形勢之壯觀也晚近士庶一圖自潤捫之欲出不能去手於身計得矣人奚賴焉修之家其德乃裕修之邦其德乃豐諸君不自愛其財力共勩厥成固豪達之義舉矣於是繼曰是役也諸君子之德也歲之賜也我祖迦文不三宿桑下懼生愛戀詎一橋而吾祖若孫載取名哉勒之石爲好義者勸則斯篇在矣橋修廣若干尺喜捨諸名氏具在碑陰時天啟元年歲在辛酉吉日

周侯去思碑

孟養浩

咸甯縣志

藝文卷七

碑

六

周侯蒞咸六閱歲而政成兩臺使者累以治行高第聞於天子天子下璽書徵侯詣闕下既祖道父老率諸子弟泣臥攀轅車不得發者久之已乃相率詣不佞請曰噫侯去矣接羽龔黃易爲理而難爲繼是安所得皜然冰潔如吾侯者乎侯性至儉於物澹無所好嚴征羨餽遺之禁纖毫例入視若浼焉去之日蕭然琴書一囊而已六年間侯貌瘠而咸之民日以肥侯德烏忍忘也又曰安所得煦然愷悌如吾侯者乎咸當艱歲之後財日匱而賦日逋侯爲而築陂池儲庾粟慎糴糶緩催科之令剔侵漁之蠹民各適其業而厭其意擔負繼屬於道

者趾相錯六年間咸生理實而無離上抵負之名侯德
烏忍忘也又曰安所得斤斤明察如吾侯者乎咸俗故
黠喜訟走兩臺如鶩旁及它郡邑梗楊獄靡不以屬侯
爰書填委吏若腕欲脫侯往往以片言得情眉睫間蓋
所平反脫於死成若髮鉗城旦春者幾四十餘解網之
仁不深於此矣又曰安所得深計遠慮爲吾咸萬世規
如侯者乎咸西北枕湖秋夏之交魚鱉舞於櫓堞侯懼
以堤請於上官而畚鍤之夫鱗集受事不浹旬而堤就
咸始享城之利而歲無修輯之勞矣又曰安所得至誠
格天爲咸百姓請命如吾侯者乎往者祝融煽虐民喘

咸甯縣志

藝文卷七

碑

七

喘重足立侯齋心默禳一言泣數行下夜既半有光燿
煜閃爍隱隱起樓櫓間入雲中如流星焉邑人自是不
復苦火矣肥蠟徵咎鄰郡邑暴尫焚巫無虛日侯素服
步禱膝行十餘里而雷電集澍雨如注應若影響焉何
神異也夫侯美政未易更僕數論其著者如此古豐功
茂績必勒貞珉以志不忘公獨無意乎余再拜謝不敏
乃曰公等所稱說侯得其用而未得其體也以余觀於
侯殆古抑抑德讓君子哉其才解牛斲輪而出以悃忱
惻怛其廉懸魚塵甑而靡所矯飾其遇事圓敏如珠走
盤而中所執持若漢鼎千鈞萬夫不拔蓋侯之學本乎

誠者也誠生明明生公公生廉廉則無所處而不當矣
水之源潔也可以載舟可以濫物可以決重堤之障而
轉千仞之石侯往矣且將立交戟之下與天子獻可替
否爲宇內蒼生造福無量爾父老沐侯恩見侯顏色尙
有日余所爲述爾言而鑄之石俾爾子若孫世世往來
其下而歌咏追慕之因以想見其祖父遭遇之奇而徘徊
乎蔽芾之陰滌泗乎峴山之側則此石固將藉侯以
不朽夫石烏能不朽侯也侯名曰庠撫之臨川人壬辰
進士

覺宮棠樹碑

知縣 王士瀚

咸甯縣志

藝文卷七

碑

八

咸何以有棠也自召伯布文王之化巡行南國棠於是
始焉茲師奉命司鐸咸中明倫彰教士多愛戴其德而
不忍忘故咸學有棠并有碑矣師謂誰泔潛劉君效曾
號東臯爲前黔省督學肖華公之曾孫理學塞翁先生
之令子也世閱名流才鴻學博久爲海內仰重特以小
草就祿塗上予戊午冬來牧茲土而劉先生已先設絳
座一載餘觀其與諸士子相接丰儀峻整動必準以禮
教卽數脰之脯與學田籽粒曾不輕自攜取覺宮之敬
頽黯淡者莫不捐幣而一一補葺之至兩廡先賢序多
淪失皆復考其姓名而更置煥然有功於 聖門者甚

大也諸士之中克善文詞而興會特達之流每一謁師必留飲盡醉乃去若月課兩期按題論文如劉彝之述胡安定師能明體用之學者殆不是過成士多樸謹而間有躐治或雜沓於有司之門或豪飲於酒帘之下劉先生皆嚴立課程以遏止之然士子初就約束未免以嚴憚是慮及閱三載而士品端方文風亦翕然丕變矣庚申夏六月忽罹太先生之變而哀毀骨立將以解組言去羣士子莫不號泣相對如諸生捧檄乞留博士施士甸之狀然格於例而情終不得達遂謀室於縣署之西暫稽考履雖不得如施博士之留諸十九年但得漉連數載猶勝於榜謳迅發耳由是諸搢紳與及門皆欲勒石歌詩以傳其至德余因思劉先生非自嚴憚而後寬和則豈能愛之慕之而相與歌誦有如是乎記曰凡學之道師嚴爲難師嚴則道尊道尊然後民知敬業劉先生旣得師嚴之意而行之亦卽天之所以爲教也而四時寒燠何日不在諸士懷感之胷次哉於是可以言蒙矣爰勒石以爲之記

何侯捐修堯政碑

貢生陳

璧邑人

嘗聞古之有民社之寄者往往豐功懋績勒之金石載諸鼎鉉非僅恃有大過人之才爲其有澤及士民之德

咸甯縣志

藝文卷七

碑

九

而因以留夫千百世不朽之心也先是邑侯何父蒞感
被下車值感諸事草創之餘縱目遊覽見夫城池之弗
完也堂宇之弗新也館署之祇候未備杠梁之徒涉堪
虞與所在諸神聖法像之播藁塵土也一切游刃更張
之或補綴舊績或興建新功絲毫皆捐貲費俸絕不問
民間一力一財不暮月而厥功落成其時萑苻無警堂
署改觀梵刹傳燈民鮮病涉矣侯曰未也學宮綦蕪歟
疇禪向化典型邇佚歟疇景芳躅德音未完歟疇採風
謠弓矢夔蒙歟曠獻武功是皆未不佞蒞有土者之責
也更復捐貲創建鳩工庀材爰詢於子飭營序而鼓鐘

咸甯縣志

藝文卷七

碑

十

十一

泮水於樂辟雍矣問有向之鞠爲茂草者否爰駕東山
建新亭而指顧書臺三元接踵矣問有昔之荒碑零落
焉否而且文事修者必有武備因爲立射圃於西河而
比德量力焉斯則跡地弗遑而寸長必錄矣問有頽靡
不克振者否而且政暇覽風採方省俗因爲建堂沼於
北堤而種荷植柳焉斯則河陽興歌而甘棠比詠矣問
有庶民不子來者否當斯時也有履學宮而勤風勵者
皆以爲會稽之二千石復出而賢侯教澤直與廟貌並
新有登東山而切仰止者皆以爲廬陵之醉翁再遊而
賢侯吟咏直與宋蹟並傳有懷決拾而思樂只者皆以

爲虞詡借寇坡仙復生而賢侯德威真不讓乎夔圃蘇
堤之下然則何以頌侯之才之德之心乎乃爲之歌曰
衿子青兮文教興兮疇令式化誕侯嶽生又歌曰耕食
鑿飲日獲我所侯之令德俾無尤苦民也樂利土也親
賢馨香至治感格同天侯功不刊億萬斯年

資福寺中興碑銘

知府張

檄邑人

佛刹常圯而復興之際或菩薩現頭陀身而爲主持或
開山居士後身出其精神願力誓與浮屠俱不朽然後
能振翬革於荒蔓之餘煥莊嚴於雲漢之表資福之在
吾咸古刹也明時僧徒數百精舍千門極盛罕儔迨兵

咸甯縣志

藝文卷七

碑

十一

燹洊臻凋敝過半識者早知其劫灰之出穴矣所賴老
僧通神者持揭之初卽受知於先達存孩趙老先生爲
建藏經閣居之雖厯滄桑變易之中能確守其不磷不
淄之操及皇路永清以來開金山之面藻大士之宮垣
墉月鑊土田疆理皆一手一足之力而不旁貸寸絲分
勞眾納亦且禦強侮於意外靖囂塵於隙中人之所不
能任者老僧任之而不以爲難人之所不暇理者老僧
理之而綽有餘地頭陀耶菩薩耶開士後身耶領僧綱
十二載侯茲土者加禮之敬其靜也年愈髦製愈工都
人士莫不贊美之恤其勞也生不虛生以此願力生壽

不虛壽完此願力壽其事洵可傳其人洵可銘也 銘
曰眾隨其靡疇任其難老僧不出孰振於艱剛能立
懦簡以御煩身如松立心與石頑壽以功著功以壽
完佛力不墮僧定不凡

學師鄧公德教去思碑頌

公諱膺聘號白懷寶慶府邵陽縣人天啟丙寅年夏月
任咸甯縣訓導崇禎庚午歲擢升教諭百姓思慕其德
化臥轍難留謹勒碑以垂不朽 頌曰德性溫和仁愛
淳博相惟多士化被菁莪抑且百姓薰沐恩波勒此
石碑永念不磨

咸甯縣志

藝文卷七

碑

十二

駕城橋碑

知縣 陳煥世

駕城一名珠樹白九嶰發源達新橋與橫溝水合舊置
橋二漸頹潰余捐俸倡修鳩工砌石墜以闌蓋以亭不
數月而成一廣丈六長倍之一亦丈許經始於乾隆辛
卯夏五竣以十月廢白鏹九百董事羅朝選余金都昔
蔡君謨記吾泉萬安橋其字與文傳予則何敢咸甯令
陳煥世題并書於道左

移修石塔碑

竊聞袞衣章甫尼父頌自魯人子弟田疇公孫歌於鄭
國惟循良沛爲恩膏斯感慕勒諸箴銘邑仁侯孫夫子

幽燕名流金臺世肖少具鴻才文譽領鵠袍之望壯膺
大任清風飄墨綬之香癸亥秋由德安府署咸甫六月
而報最大材小用未期年而有成杜母之休風庶民懷
而耕桑安堵文翁之雅化多士悅而俎豆升堂善政善
教指不勝屈乃致治方暇垂愛愈深熟視山川思佑斯
文一脉詳察形勢不憚移塔東舉夫東舉有亭由來已
久昔文簡公鍾兩間之秀氣肄業斯地聚淦川之文明
樹幟儒宗事業學術班班可考邇來舊址坵墟荒烟寂
寞因之人文塞滯甲第久湮前任李學師諱之經字凡
九文章司命士林楷模募貲建塔相山之麓以爲東南

咸甯縣志

藝文卷七

碑

十三

文筆之觀堪與家止率已見遺悞邑人士咸思易地改
遷但物力維艱難爲巧炊之婦人心未一恐同築室之
年茲值化雨潤郊樛材引領而沾剩漑福星照邑單寒
伉立而沐餘光爰捐清俸移石更修慨想西京作人之
休卜吉東城讀書之臺商學師委任督役我同人協志
經營鳩工告成巍煥具瞻蟻溪浪爲廉吏清操隨波澹
桃花峯因令尹峻名與山齊真一日樹業於千秋而再
造遺恩夫奕禩况乎斯塔之建遙映先師之居聚月華
而凝日精文光射斗軼山峯而拔石窟劍氣沖霄自此
地靈人傑行見鵬翥鸞飛將有吐氣揚眉一展數十年

蓄積之奇以佐

聖天子之盛績文簡之績者何莫非我公祖大人之賜也而又何讓乎尼父之惠魯公孫之惠鄭也哉吾咸感侯之仁戴侯之德因勒石以誌不忘云 侯諱毓華字樹棠由德安府兼攝咸甯縣事

邑侯饒明府

印拱辰號

惕甫德政碑

蓋聞三河作表同稱慈惠之師兩漢旌賢首重循良之傳本天理之大同致人心之大順其稱述固不徒關頌禱也邑侯饒公大人黎水鍾賢雙峯繼美坐桂嶺以鳴琴一揮輒應遇杏園而對策三捷頻書以名進士出宰

咸甯縣志

藝文卷七

碑

十四

楚邦歷任通城巴東天門無不感其德服其才己酉秋署事咸邑適當水潦之後正值撫恤之期公則化行無欲政出實心濟蒼生則於仁無失平庶獄則惟義是從鷗飛壁水鄴侯之規範長新鸞舞醴泉文公之英華不墜比屋聞歌盈郊起祝未三月而政成將暮年而報最萊竹長生有神君之可挹召棠勿剪惟慈父之可依是以因人心之順見天理之同謹述十條刊列於後以志不忘云

一崇廉潔

受任艱苦不敢告勞惟以廉潔自守凡一切公費皆取給於私囊

一守謙恭

公氣度雍容藹然可挹與士民相接謙恭尤甚足徵潤身之符

一守謙恭

公氣度雍容藹然可挹與士民相接謙恭尤甚足徵潤身之符

一敦慈愛

公制但爲心每聞民間疾苦日夜憂思念不忍釋其位之君了

一尚德教

公自下車勸民興孝向義文詞皆可頌可傳雖愚夫赤子亦知感化

一明律令

科條之設所以防姦公法令詳明上下肅清不致有舞弄之弊

一平獄訟

兩造旣成公準情酌理斷戒百端民無冤屈且案無留牘亦不遺書後之累

一省刑罰

治民之道刑罰不廢公和平寬厚不以刻覈爲能蒲鞞略試無尙嚴刑

一救災荒

兼助賑立法詳善
嚴恤洪水爲災公留心撫恤民沾實惠且捐

一重文學

公經術湛深每以振興文學爲事鄉會兩試俱有餽贈足見崇儒重道之誠

一緩征收

三時旣害民室皆空公力請緩征閭閻不受追呼之急

新建張王廟碑

教職 錢光奎 少白

萬物皆處必做之勢惟理不朽臣忠子孝理也動天地

咸甯縣志

藝文卷七

碑

十五

泣鬼神感人心厚風俗雖百世下聞者莫不興起吾鄉

笠山之麓舊有太尉廟以供張昭烈神像昭烈字巡曾

封雍邱太尉故名廟建康熙間禱輒應沿村祈報者無

虛日究未審此何神也會粵賊起蔓延天下中原鼎沸

若天寶然郡邑望風瓦解城圖存者未可一二數人

憤之父老知巡事者談以爲快徐曰今也得巡賊不敢

逞志東南矣應者曰太尉忠臣耶廟僻且隘曷謀建之

則皆喜別築龍溪之陽與在笠山麓者並祀時咸豐戊

午八月也甫鳩工倍彰靈異不勸而醵金助者千計越

二載庚申廟成易今名夫有唐中葉距今千二百年矣

英風峻節猶使人曠世相感史載殺賊陳留人謂卽巡
厲鬼信矣廟東起閣祀文昌帝君帝君亦氏張名仲古
孝子也兩人洵相得益彰云今歲余館閣中董事者勒
碑紀事乞余文余嘗讀通鑑新舊唐書中丞傳後竊嘆
王忠烈之氣之長留宇宙間者自不係余言爲重輕特
喜吾鄉人慕義而忠孝之理之未沒於人心也因書以
勵世之爲臣子者時同治五年冬月吉日

同知銜黃岡縣知縣湯公殉節碑 余益祀

咸城西關外半里許有碑大書宋忠臣陳求道故里其
上爲同知銜黃岡縣知縣湯公之墓公諱景字稼生

咸甯縣志

藝文卷七

碑

十六

人咸豐四年二月奉湖北巡撫胡文忠公林翼委催
咸捐銀至江夏之山坡遇粵賊麇至被執自金口轉咸
城溫言百方誘降不爲屈賊怒縛公城北河堤高柳上
使賊黨執銃擬公聲硝焰脅降公大罵逆賊奴不日官
軍礮汝曹萬段死我 朝廷命官肯從汝賊耶其酋益
重公欵語再三勸公仍執不屈罵益劇始實鐸子斃公
至死不輟罵賊去義士民乃葬公毅魄卽今之完節墓
中者也嗚呼粵逆之變蔓十數省閱年十餘慷慨赴死
者固所在多有而守土吏濡忍喪節者亦自不乏公未
司牧咸而凜凜生氣成人稱道至今秉夷好德詎不其

然昔陳公當宋建炎間及妻蔡氏子符佺道遇叛臣劉忠罵賊死蒲圻茗山墓在蒲之興坡今公墓密邇陳公故里可不謂芳鄰與余續志旣補傳公復次所聞刊諸貞石嗚呼公其不死也已幸竹心茂才爲余言以試省垣遇公甥話公幼讀書志忠義植品方嚴公子某賁某縣賊至棄城歸公手刃逐殺之跳而免公貌魁偉微髭鬚毅不可犯然則公之就義非偶然矣公所催捐項爲咸貢生周于堃分發四川知州署長甯縣時城陷亦不屈以死云

禱城隍文

齊問惡獸連結白晝食人民稱爲狐貓請官祈禱予考狐貓之名不少概見詢

咸甯縣志

藝文卷七

碑

十七

其狀類必狼無疑擬作足文以禱之

周滙淙原名南

維年月日署黃安縣學教諭事周南職任學校本無理民之責而不忍民之罹於凶毒而莫之告也乃越職禱於城隍之神竊以報稱之道幽明一理先王神道設教非必虛隆祀典以塗耳目必將實收其效於冥冥之中輔成治化控制百物俾海澨山陬各得其所以爲生民福今黃安雖彈丸下邑爾神位號祭享一依成例官民肅敬罔敢廢缺共沐國恩宜思自効相助爲理毋曠厥職邇者民衆啼泣訴狼爲患迫請祈禳以問民民曰有物貪狼非熊非燕非虎非豺小於豹而大於狐鋒牙

銳爪鼯尾而食人其始至也出沒隱見三五爲羣乘間竊發攫鷄犬而食之漸久則食小兒又久則食男婦今則藏林匿莽鱗次蝟聚行路踈虞輒遭毒害人力所窮請神誅之爲民請命是何凶族若此之戾也予揣其狀貌惟狼近是是其爲物也倚狽爲奸與虎同類性最狡黠陰賊毒害周官獸人獻狼齊人並驅從狼誠畏惡之以殄滅其種類爲快况復灑血飛肉蠶食百姓鼎鑊斧鉞奚容少貸夫黃山僻之邑層巖疊壑弗鬱率律土地狹薄其俗務耕作重織維動動勞苦相持樸嗇方之唐魏風爲近古狼子野心橫肆凶虐出入危慄人不自保

咸甯縣志

藝文卷七

禱城隍文

十八

重足屏息妨農病業土瘠民貧何以堪此至於死者歛恨莫訢生者輟耕太息豈不悲哉且夫狼之爲道無乎而可者也假狼之威則爲凶暴肆狼之貪則爲黷濫效狼之藉則爲奢亂逞狼之吞則爲僭食有一於此身首屠戮予以極刑而人莫之憐以狼具備凶德恣令憑陵貫盈罔治人物之辨倒置混淆神豈聰明而昧斯義又聞民間往時祈禳輒有明效僅支旬月以爲與神無涉則不宜旋祭旋止若顯操收發之權反以此邀挾民間血食則與爲民司牧不父母之而股制之任狼毒爪牙擾亂追呼竭閭閻之膏脂剝生民之骨髓稍不濟鞭撻

捶楚繼之決肌膚斷肢體痛楚哀號而莫之少恤者何
以異哉司牧蹈此何以理民神或如之不稱時祀是用
備舉情形切陳切怛冀神驅除凶醜以衛元元庶官是
邑者與神各供厥職毋負朝廷而羞當世則幸甚

康熙乙巳舊志跋

唐范瑛邑人

聖人受命其一代之星雲皆爲動色山川皆爲改觀民
物皆爲洗心滌慮故福祥以應人材以盛風俗以美登
之野錄則輝映瑤圖傳爲

國書則照耀簡策是以羅泌國名史乃稱路王充宜漢論
始爲衡古之君子處中輓之代猶思追美曩王無文獻

咸甯縣志

藝文卷七

康熙乙巳舊志跋

十九

之徵尙欲網羅放失矧際

熙朝鼎新之日值賢侯虎炳之時薦紳先生揚鏹金馬譽
髦斯士振響雲礫鴻文在

國名彥在鄉而或者猶取往代之殘編以當 上臺之物
色無迺羞

朝廷而辱當世之士耶茲 不佞 所以讀斯志而喜喜斯志

而又讀也雖康樂和親之書有待而報忠孝節義之行
有待而顯文章道德之士有待而興旂常鐘鼎之勛有
待而成而

國家生聚教訓之仁與循良水火寬猛之義已具見於篇

端矣福祥之應人材之盛風俗之美猗歟休哉由此其始也抑愚猶有進焉君子睹其應則必思其感喜其盛則必懼其衰嘉其美則必防其敝觀夫前乙巳之所編定與今乙巳之所增修六十年間滄桑倏易陵谷頓遷俯仰興廢感慨何極則凡所以正誼明道整躬率物反澆俗於純古者豈徒縣父母之任抑亦吾鄉諸君子之責也後之觀斯志者尙喟然而歎興矣乎是爲跋

蠻宮棠樹碑跋

鄭邦相

晉人稱荀淑清識難尙鍾君至德可師遂成一代佳話如吾邑王父母與劉東皋師立品均在荀鍾之間

威甯縣志

藝文卷七

蠻宮棠樹碑跋

二十

及讀棠樹碑記而敘述間雅中浩浩落落兩君肝膈並見余謂棠樹碑傳而二公亦傳矣惜未得晉人作新語讚歎耳

胡璧華淦川留別詩跋

劉駿

崑白師文章祭酒詞賦宗工司訓淦川於今七載予之遜志而鼓篋者如坐春風之中冷然善穆然遠也茲以軍功膺薦俸滿保題行將超遷賦留別七律八首以遺同志而戀戀之意溢於楮墨及門諸子恐久就湮謀鐫石以永其傳於戲經師易得人師難求若吾師崑白其兼之矣

歐陽子作五代史不爲韓通立傳史論惜之解之者曰
通蓋嘗臣漢晉唐耳湯公稼生致身殉節丙寅志不之
錄有何說也余久欲表而出之今覽余午峯之作先得
我心所同然湯君死不朽矣居墓側者其厲樵牧之禁
以妥忠魂 壬午十二月下旬

杜亭跋

余益杞

亭胡爲以杜名爾雅說文杜甘棠取詩召南義乎周官
犯令凌政則杜之言糾憲乎靈均九歌有杜蘅杜若譬
懷芳乎漢杜詩守南陽人稱杜母思循吏乎夫楚亭夥

咸甯縣志

藝文卷七

杜亭跋

二十一

矣尹也孟也奇章乖崖東坡也皆姓字其亭而承其傳
也名亭以杜其卽甘棠云云與抑非與往者夏方伯懋
亭宰咸爲石塔邑人構亭而名以公字今邑尊陳公舉
利剝弊軼夏而追杜詩騷所賦夏官所職卓乎其靡懈
茲於 公所建 文昌閣之右翼以亭而又奚他名之
求然則公之命字祈嚮固有在吾咸日荷旃幪是亦尹
也孟也奇章乖崖東坡也故因亭之成而謹顏其額曰
杜亭

德新堂銘

方 杲

上帝降衷是曰太極無臭無聲旣元且嘿吾人秉之是

謂懿德大而夔倫微而事績遵而行之怡然有得真知
允蹈行之不息日新又新表裏洞徹明德既新乃見天
則斯須不謹利昏欲蝕靈臺一蔽前功俱失雖曰降衷
天理斯隔明德既昏愚闇同域貿貿紛紛欲往何適嗚
呼戒之敬之修之克之去昏復明如鏡之拭塵翳不留
光彩方射人欲淨盡天君司職往聖維師成湯是式

庫樓頌

姚亨

明通維牖仁厚維基風雨攸除狐鼠其離嗟彼大盈藉
寇而齋於戲樓之西兮尙無歆象我 皇圖磐石維

居爲長府變兼公宅豈曰懷安均之愛國靈祇賦呵永

咸甯縣志

藝文卷七

庫樓頌

三十一

世維克於戲樓之北兮尙無缺裕我吏民貞 帝則

金燈之堂邑焉靡墉蹢細時撫司藏罔終岑樓既載石

確棟隆於戲樓之東兮尙無凶襄我國計躋恒豐

孤峭若堪磨廩若吟咸有斯樓守者安寢侯度維謹大

夫餘旒於戲樓之南兮尙無埤毒我侯功永與參

又

邵齡

瞻此巍樓高摘星斗狐鼠遠竄風雨安堵嗟彼豺狼曠
爲捍禦肇建城垣百年固衛於戲樓之宮兮接天城之
堅兮金湯望氛祲兮蕩揚藉保障兮守疆

璧合珠聯於昭于天秋陽開霽曉色澄鮮否終泰啟坤
轉乾旋雨暘時若瑞應豐年順我

帝則靖彼烽烟羣情瞻慶璧合珠聯

珠聯璧合風不蕭颯入表光明九天閭闔我

皇繼述兼容并納士盡賢良

朝無噉沓颺拜賡歌昇平以答仰止歡忭珠聯璧合

合璧聯珠現天東隅紫霞垂映佳氣誕敷佑我

聖母翼續鴻圖

亶聰作后武烈文謨言賴良弼學重純儒觀象式占合

璧聯珠

咸甯縣志

藝文卷七

景星頌

二十三

聯珠合璧祥暉赫奕景運攸關作求世德大啟謨猷允

資力策偃武修文輕徭恤役黎庶含哺

邦基盤石野頌衢歌聯珠合璧

肇木德以周仁啓春生而賦質二儀泰而廣運三正合
而元吉和氣藹兮充寓光風瀏兮被物豈因時而則舒
亦樂道而奚恤我聖君大撫萬國肆觀羣后承天之禧
嘉歲之首文物燦於南宮兵戈森於北斗攬百辟以同
心貢千春之遐壽於是明詔有司攄求時令邁惟一之
德究吹萬之性勦土木之庶功阜稼穡之勤政暇漁止
殺狴犴復命至若固陰作閉翫戶未開虵盤土蓄燕伏
巖猜穴蟻歛翼水魚鼓鰓蠢蠢宛委戢戢低徊遲孽蒙

咸甯縣志

藝文卷

賦

三四

兮久矣耿獻歲兮悠哉謂將死而沒代俄作解而驚雷
廓視聽於元壤脫驚鶩於焚萊瞰青瑒以書物被白日
而登臺若旬時甫田宿昔層薄驚洪鑄之神用偉元化
之工作捲河山之變衰置天地之和樂律何谷而不暄
光何容而不灼植也知歸動焉咸若爾乃楊迴曲沼李
雜芳園條烟濃而洩地花綿縟而當軒玉顏景照羅袂
風翻惋良人之讐信省賤妾而啣恩蝶栩栩兮夢感鳥
嚶嚶兮思存曼瑤桂以緬瑟引金竿而浮樽俯侯軒而
下泣昭韶物而何言借如老君追魯遠使窮河霄驅烏
遊野次星羅水皚皚而雪下風颯颯而霜過遲日一照

挾纊嘗多遣疇歲之寒粟糞初節之妍和千巖爲之動
色萬壑爲之流波將迴轡而秦望請舉手而幽歌有地
高公族鼎貴侯家丹樓纏於御道畫閣聳於朝霞明珠
買妾黃金擲龜列行遊行直視騎奢跨浮雲之寶騎頓
流水之香車漫平郊而藉草忽上苑之觀花飛鞭蹴踘
旋舞琵琶麾戚里之途遠駐長安之口斜豈知夫東門
在外渭水濡沙散歸聞之召父隱養正之姜牙趣下里
之潦削誼樂土之繁華苟炙背而垂釣但開田而種瓜

黃鶴樓賦

邑解元

張宗岷

異峯

鄂渚之巔一樓世傳仙子何人鶴跡踟躕吞三湘月吐

咸甯縣志

藝文卷七

賦

三五

七澤烟玉笛有聲梅花自鮮留崔灑之佳句擲太白以
無言看晴樹之歷歷聽江漢之涓涓白雲飛來幾片黃
鶴飛去千年河沙芳草猶在乾坤一夢依然黃岡有竹
岳陽有樓巴陵有酒洞庭有秋登臨憑眺豈此爲幽浮
鷗浴日彩鷁渡流波澄萬里浪撼千舟隔大別而襟帶
控荆襄以烟浮靄白露之橫空望青山以阻修吁嗟樓
之勝矣有吟益壯無星自光無草自香不簫而韻不風
而涼怨謫之士去國懷鄉風雅者倫寵辱皆忘江無今

古世幾滄桑赤壁延劉緒陽臺弔楚襄潮平鷺阿瞞風
正快周郎豈酒長沙淚因飛李白鷺盛衰隨逝水感慨

倚斜陽同我登臨者揮毫興欲狂

詩部

唐

奉和初春幸太平公主南莊應制 李邕邕人

傳聞銀漢支機石復見金輿出紫微織女橋邊鳥鵲起

仙人樓上鳳凰飛流風入座飄歌扇瀑水侵階濺舞衣

今日還同犯牛斗乘槎共逐海潮歸 一作泛

詠雲

綵雲驚歲晚繚繞孤山頭數作五般色凝為一段愁影

雖沈澗底形在天際遊風動必飛去不應長此留

咸寧縣志

藝文卷七

詩

登歷下古城員外縣新亭

吾宗固神秀體物寫謀長形制開古跡曾冰延樂方泰

山雄地理巨壑藏雲莊高興汨煩促永懷清興常含宏

知四大出人見三光負郭喜杭稻安時歌 吉祥一作皆

銅雀妓

西陵望何及弦管徒在茲誰言死者樂但念生者悲丈

夫有餘志兒女焉足私擾擾多俗情投迹重相節直節

豈感激荒淫乃淒其賴水有許由西山有伯夷頌馨何

寥寥唯聞銅雀詩君舉良未易永為後代強

贈祕書監李公邕

杜甫襄陽人

長嘯宇宙間高才日陵替古人不可見前輩復誰繼愜
昔李公有詞林有根柢聲華當健筆灑落富清製風流
散金石追琢山岳銳精窮造化理學貫天人際干謁走
其門碑版照四裔各滿深望還森然起凡例蕭蕭白楊
路洞澈寶珠惠龍宮塢塢濶劫浮雲衛宗儒俎豆事
故吏去思計眇眇已皆虛賤躋會不泥向來賦當時豈
能勸後世豐屋珊瑚鈎麒麟織成罽紫駟隨劍几義取
無虛歲分宅脫膠間感激懷未濟眾歸颺給美擺落多
藏穢獨步四十年風聽九皋淚嗚呼江夏姿竟掩宣尼
袂往者武后朝引用多寵嬖否臧太常議面折二張勢

咸甯縣志

藝文卷七

詩

二

衰俗凜生風排蕩秋旻霽忠貞負冤恨宮闕深旒綴放
逐早聯編低垂困炎癘日斜鵬鳥入魂斷蒼梧帝榮枯
走不暇星駕無安稅幾分漢庭竹夙擁文侯簪終悲洛
陽獄事近小臣斃禍階初負謗易力何深濟伊昔臨淄
亭酒酣託末契重叙東都別朝陰改軒砌論文到崔蘇
指盡流水逝近伏盈川雄未甘特進靈是非張相國相
扼一危脆爭名古豈然關堦歛不閉例及吾家詩曠懷
掃氛翳慷慨嗣真作吞嗟玉山桂鐘律儼高懸鯢鯨噴
迢遙坡隨青州血蕪沒汶汶湯瘞哀贈晚蕭條恩波揚揭
屬子孫存如綫舊客舟凝滯若臣尚論兵將帥披燕薊

朗詠六公篇憂來豁蒙蔽

題李北海舊宅卽修禪寺

李 白隴西人

我家北海宅作寺南江濱空庭無玉樹高殿坐幽人書帶留青草琴堂累素塵平生種桃李寂滅不成春

閑宵望月

李 沈邑人

卷箔舒紅茵當軒翫明月懿哉深夜中靜聽歌初發苔含殿華濕竹影蟾光潔轉扇來清風援琴飛白雪行愁景候變坐恐流芳歇桂影有餘光蘭燈任將滅

醜詞

犬咬天關閉彩童呼僊吏一封紅篆書爲奏塵寰事八

咸甯縣志

藝文卷七

詩

三

極鼇柱傾四溟龍鬣沸長庚冷有芒文曲澹無氣烏輪不再中黃沙瘞腥鬼請帝命真官臨雲啟金匱方與清華宮重正紫極位曠古雨露恩安得惜沾施生人血欲盡攙搶無飽意

巫山高

抉天心開地脉浮動凌霄扶藍碧裏王端眸望不極似睹瑤姬長嘆息巫妝不治獨西望暗泣紅蕉抱雲帳若王妬妾夢荆宮虛把金泥印仙掌江濤迅激如相助十二獮龍怒行雨崑崙謾有通天路九峯正在天低處

夢仙謠

海宮覺浪收殘月，挈壺掌事傳。更獸銀蟾半墜，恨流咽。
六鷺披月撼蓬闕，九炁真翁騎白犀。臨池靜聽雌蛟啼。
桂花浥露曙香冷，入窗玉朗驚晨雞。裁紗翦羅貼丹鳳。
膩霞遠閉瑤山夢，露乾欲醉芙蓉塘。迴首驅雲朝正陽。

秋霖歌

西方龍兒口猶乳，初解驅雲學行雨。縱恣羣陰駕老虬，
勺水蹄涔盡奔注。葉破苔黃未休滴，膩光透長狂莎色。
恨無長劍一千仞，劃斷頑雲看晴碧。

方響歌

敲金扣石聲相凌，遙空冷靜天正澄。寶餅下井轆轤急，

咸甯縣志

藝文卷七

詩

四

小娃弄索傷清冰，穿絲透管音未歇。迴風繞指驚泉咽，
季倫怒擊珊瑚摧靈芸。整鬢步搖折十六葉，中侵素光
寒玲震月雜珮璫。雲和不覺罷餘怨，蓮峯一夜啼琴姜。
急節寫商商恨促，秦愁越調遠巡足。夢入仙樓憂殘曲，
飛霜稜稜上秋玉。

詔修兩朝國史，賜筵史院，和吳相公韻。

宋馮京

天密叢雲曉風清，一雨餘三長太史筆。二典帝王書被
武知何者，霑恩匪幸歟。吐茵平日事，何憚污公車。

寄謝鄂倅南一作宮誠

前人

常思鵬海隔飛翻曾得天風送羽翰恩比邱山何以報
心同金石欲移難經年空歎音書絕千里相思道義寬
每向江陵訪遺跡人猶指點縣題看

發咸甯行松徑至蘆子

黃庭堅

咸甯走蘆子終日喬木陰太邱心灑落古松韻清深聊
持不俗耳靜聽無弦琴非合胡部律而獨可人心

謁馮文簡公祠

邑令鍾

權求豐人

曾看事業著青編今謁遺容尙儼然天下文章推健筆
斗南人物讓先鞭江山勝概無今古風雨殘碑有歲年
臨境仰嗟興感歎亨衢咫尺五雲連

咸甯縣志

藝文卷七

詩

五

咸甯感懷

僉憲顧

英華亭

狀元祠外帶寒林曙色郊關散曉陰賦稅不教愁地薄
芻樵儘得利山深頽殘黃菊時猶美參錯丹楓變不禁
健馬路平行日午靜中幾處木高吟

咸甯懷古次韻

僉憲張

宏

馮相祠堂隔遠林咸中山畔鎖輕陰三魁事業浮雲過
一代文章綠草深崇象已無賢俗繼儀形空有夕陽侵
平生攀仰高風久敬弔先生灑淚吟

咸甯署壁

工部尚書

吳廷舉

嘉魚人

節鉞非三顧梨鋤老一邱無心思管樂抱膝笑伊周

石門寺

邑諸生 王獻策

地僻人行少山幽趣更多花香風蝶舞竹響雨禽過樹
古煙含碧泉清石吐波凭闌無箇事時聽白駒歌

白沙寺

工部 王煥 邑人

白雲深鎖洞還賒最是幽關景色嘉隔斷塵埃孤梵夢
放開懷抱老僧茶風前雅韻鳴山鳥雨後清香帶晚花
偶得舊遊因問酒漫尋山外野人家

遊三峯寺

貢生 唐毓 邑人

訪僧移口語多為景留連山色屏屏畫松聲曲曲弦月
來窗寫竹風過砌梳荃更玩龍溪水忘機我亦仙

咸甯縣志

藝文卷七

詩

六

相山懷古

余希聖 邑人

年年衰草夕陽紅鐘鼎文章一色空彈指人間薄異代
舉頭懷抱逼高崕丈夫龍變驟如雨山面雲潮會有風
擊劍遺聲臺畔古不堪夜月悵城東

鳳凰山

李鳳翔 邑諸生

地勢騰空若鳳凰憑高俯瞰藐層岡書臺曉日舒翎翮
潛洞丹砂點翠妝靈鷲不隨河雁落翺鸞豈共越雞翔
山川本為明王媚應使嘉名列職方

中秋夜雨

王禹錫

良宵未許不容豪剪燭僧堂劍氣遺老子那肯與復淺

羣公自是醉忘勞何嫌雨妬銀河悄共挹更長玉露高
豈有王褒才可重漫將搦管著同騷

金龍洞長篇

邑舉人 郭翹中

大泉有洞名金龍白雲千載秘爲封傳說唐時之仙翁
兄弟七人並飛空至今丹竈懸其中仙踪去後洞濛朧
羽衣何人日叅窮隻身直欲扣龍宮金龍未睡將其鬢
伎倆山魘不敢逢期予買屐遙相從鬢羣扶搖入萬崧
信足踏來全不用挂樹懸崖如駕虹路通一線造化工
登高仍欲破鉉崇洞外朗朗時且洪地如平掌蓋如蓬
俯視諸山若兒童洞內僂僂一俯躬漸使窺見日瞳瞳

咸甯縣志

藝文卷七

詩

七

石丈寶獅復伏熊有田幾畝曲如弓道人種之卧隆嵒
那管人間歉與豐喜爾誅莠見高踪丹鼎仍吹復飛紅

唐嶺行

邑舉人 李玉

三月前行苦竹嶺刺客不交韓琦頸三月後行大墓山
韓琦身在五雲間大墓山與唐嶺連唐嶺嶺傍桃花尖
吾家先達北海舍猶有殘碣鎖寒煙苦我山行月復月
不待雪霜改華髮山中人樸甚尊賢朝昏禮數無違缺
伊人曾讀半行書菲薄君親似胡越登嶺一望長咨嗟
罄竹難數伊人罰伊人伊人叛何爲竟無坏土藏爾骨

桃花尖

常德教 王命爵 邑人

振衣一碧幾千尋紅浪層層春自深若箇筆鋒懸洞口
爛斑五色見文心

淦川八景

書臺月色

唐范瑛邑歲貢

案頭燈火杖頭烟博得銀蟾此夜圓風雨似逢新法日
光華直吐熙甯年只今寂寂荒臺靜尚見娟娟素影懸
帝鑒千秋猶未倦如何安石反妨賢

書臺月色

邑諸生 李元楷

銀漢無聲鑷悄然讀書臺上月娟娟波侵玉藻香含潔
彩徹金蓮氣欲鮮自是冰操輝百代豈徒桂影耀中天

咸甯縣志

藝文卷七

詩

八

漏深猶覺光無限散入平湖白滿川

書臺月色

邑諸生 鄭邦遇

散步書臺人亦仙中宵靜對碧輪圓文章氣吐山河曉
事業榮爭星斗懸影拂苔陰籠雪案光搖石砌逼經筵
當年閣上藜光迥應作元燈共月傳

贊泮金蓮

少司農 孟養浩邑人

宋代金蓮綠玉堂千年池沼尚遺芳朱華已吐文章色
碧蓋翻擎雨露香自以虛中依鳳德不求跌坐擁獅王
含葩正值羣芳歇齒萼參差鴛鴦行

福利曉鐘

前人

嚴城漏斷月微朦
隱隱疎鐘度碧空
正覺豈緣聲響入
梵音甯逐往來風
淒清葉底寒蛩合
悲壯樓頭曉角同
却憶當年長樂曙
風塵羸馬倦西東

西河漁火

謝人

城頭暮角引微涼
楊柳蒹葭共渺茫
幾點寒光明極浦
數聲短笛破滄浪
熹微不辨流螢色
髣髴初驚過雁行
莫遣寒山鐘夜度
有人愁對滿天霜

西河漁火

韓邦梓

西河環帶鎖城烟
幾樹斜陽泊釣船
鷗濺歸飛栖皓月
龍溪迅發遶平川
燐燐夜火吞湖碧
歷歷漁歌響暮絃

咸甯縣志

藝文卷七

詩

九

雉影滄然沿岸出
蘋花亂點水中天

東高樵唱

知縣 王元柄

躡足攀蘿上翠微
烟光嵐氣澹朝暉
野樵結伴知何去
遊子行歌興欲飛
拍手爲嘲山簡醉
含情應送薛譚歸
悠然絕勝釣天響
豈必林花點芰衣

北郊堤柳

邑舉人 早殉侯

飄搖城外柳成行
掩映平隄畫景長
一略濃陰灑北郭
千條綽態媚東皇
風柔古道眠初起
春滿方郊舞欲狂
有客踏青隄上過
鞭絲帽影繞斜陽

長湖烟雨

王養浩

萬頃平湖駭浪翻瀟瀟風雨冷龍魂幾疑到眼千山失
但覺兼天萬馬奔縹緲歸帆迷遠浦淒其斷雁落孤村
最憐小艇垂綸者箬笠蓑衣對酒樽

相嶺閒雲

歲貢 錢光奎

閒雲一片嶺頭橫遙想當年出岫情祥繞華星占太史
皇祐元年祥雲繞華蓋星史官曰祥 早爲霖雨濟蒼生
簡勞芬登賢氣也文簡是年大魁
卽今霧隱潛蛟壑有頃風從近鳳城莫道孤山沈鬱久
人間最重晚霞晴

八景合詠

邑諸生 孟佐盛

天開圖書四時濃結侶尋芳勝蹟逢峻嶺雲移臺畔月

咸甯縣志

藝文卷七

詩

十

長堤柳襯道傍松樵歌半落金蓮沼清籟偏和曉寺鐘
任是桑麻徧綠野也都作態綴山塢

蘋溪八景

東高曉望

邑諸生 鄭邦命

秀凌東壁小羣山躋眺宜將眾刃剛出岫晨煙迴北闕
連城曙色泊南寰數聲野笛來天外一碧晴峯入望間
乘興登臨瞻岱岳嶙峋高步有餘閒

西河暮興

崇甯知縣 錢 珊 邑人

一曲清流暮景宜百年孤興迥稱奇魚翻急水驚新鷺
蟬帶殘聲脫舊枝皓月正當三五夜瘦筇扶起萬千詩

悠然疑是無人處，隔岸誰歌孤鶯飛。丁宿章韓湖北詩徵此詩入選易後

四句附錄於此，明月照人背，舉盞渡節扶我晚尋詩悠悠誰與消岑寂門對南山客到遲

石嶺樵歌

教諭吳

鍊新坡人

採薪山畔夕陽過，嶺外歸休樂事多。風月擔頭挑幾許，一聲嘹唳出烟蘿。

梓潭漁唱

知縣邱魁

沿湖散步持青藜，蘆荻漁舟兩岸迷。一段生涯秋水裏，數聲款乃夕陽西。微茫遠景誰能畫，搜剔枯腸我欲題。不覺流連歸去晚，昏鴉亂點上林飛。

相嶺晴嵐

張檄邑人

咸甯縣志

藝文卷七

詩

士

山以人傳時維樞密陵谷靡遷流芳共挹虛巖拽練候於清且晴則嵐飛雨或霧散

溫泉虹影

前人

淙沸湯泉潛巖之渥陶治鴻鈞地之鼎鑊火藏水宮秋影垂虹匪影之爲虹其氣鬱葱

潛巖丹竈

前人

丸還在治鐘臺之東真仙羽化丹竈雲封其丹伊何勾漏之砂世今俗古雞犬桑麻

古道蒼松

前人

松之蒼蒼先哲之芳攢雲翳日復道長廊龍肆於遼嶺

發其陰遺愛勿翦吉士同心

古道蒼松

學博王晉錫 邑人

皇路清夷擁節紛誰堪攬勝語傳聞單車古道遺高韻
按轡沈吟有使君衰柳隋堤煙漠漠青松楚雨翠云
盤根不惜風霜老還共秦封映紫雲

古道蒼松

邑諸生孟應衡

驛路拖煙帶遠岑紆迴隊列萬松森槐聯複道休誇綠
柳構長廊不羨陰映月疑招仙鶴舞驚風時作老龍吟
若般傲骨撐天地萬國征車仰庇臨

遊遇仙洞

洞在九龍寺前

侍郎朱廷立 通山人

咸寧縣志

藝文卷七

詩

十一

聞道仙人此洞遊仙人何處洞幽幽白雲深住封丹竈
紫水潛流露石洲竅隱九龍時作雨寒飛六月忽驚秋
銀山鐵壁真雄麗風節何人能與儔

弔比干墓

錢梅窗 邑才媛

天步商家事已傾老臣肝膈最艱辛伴狂不肯爲奴態
抱器那堪去國情七竅丹衷懸日烈千秋青史照人新
停車欲把忠魂奠南澗無因覓藻蘋

贈節婦

慈竹森森節義門夫亡身在爲孤存少來不改冰霜操
老去終承雨露恩夜靜窗前弔形影春深塔下長兒孫

碧欄杆外斑點不似湘靈舊淚痕

潛山寺懷古

縣令陳煥世

我過潛山寺登堂拜昔賢科名魁兩宋道貌肅千年古
柏亭亭立溫泉曲曲旋開尋讀書處石上滿寒烟

禪池寺留題

陳煥世

鬱紆陟高岫古寺正當門日映禪池靜風吹荷葉翻
鐘敲未急宿鳥寂無喧三載重經過邀僧話佛恩

相嶺讀書臺賦事

胡章

城隅宰相嶺嶺畔讀書臺書香宰執業岫起城山隈
咸山杳杳嵌空騫騰而盤結巨靈斧破生面開維山降神

咸甯縣志

藝文卷七

詩

十三

必奇絕山人託養尊山居實宦門公負蒼生望小築山
之原爾時薦辟罷進士專聲價升貢自本州合格第上

舍三試果何文而乃三冠軍詞臣是仙客諫臣是鐵君
延英殿樞密閣潞公尙在沐司馬未歸洛聯爲忠順交

兩府牢把握暨儒儒挾策忽越次附會周禮售術智袖草
莫遽彈新參理財說合主君意中原計日走臨安兀以

積恥籌餉籌兵思復燕雲十有三州地幽薊帥徭役吏
補贖常落憂時淚介甫人言都不恤獨私書志齊年忌

神宗概寢格人君獨公疏人生疑畏夜起思罷新法議

耐官幾曾涉調停轉覺耆英諸賢冷局優游輕棄置寧

相須用讀書人要於科名可無愧嶺際臺際感茫茫笑
世胸中無物談經義

桃花尖

桃花尖拽桃花影高捫參分厯井躡我足兮蝸厓振我
衣兮絕嶺嶺上青天嶺下壁錯磨陰陽鐵森積種得桃
花不作飯堆向爐裏煉精液忽然磅礴綻繁英五萬里
照扶桑明無師門術焚山木熊羆奕奕桃之精君不見
玉井泉猶流仙穴穴裏仙葩猶豔纈漁郎咫尺武陵源
無津可漉桃花屑

遊九龍洞

咸甯縣志

藝文卷七

詩

十四

九龍盤踞勢磅礴爭凸坤厚石砢路我從雲頂到龍窩
敲曼蹀趾沒芒屨離奇紛詭各流形鴻濛闢時鬼斧鑿
或如雌伏或鸞翔或如獅蹲或豹搏或結芝菌或珊瑚
或如銅胎鐵骨鑄鼎鑊螺漚爬乳拖纍纍還如瞿曇大
士挂瓔珞杖筇携伴入崖陰絕壁兀排千仞削崕訝忽
掀齒頰張有洞泐寥裂山脚重厖黝黑梯磴欹望無涯
澗羣錯愕疑是桐柏地穴上聯維星藏笙鶴汶陽天井
下繫曾昌建福爲脉絡終燃炬促伺魚貫行仄徑馳蹏交
跳躍蝙蝠驚飛冒火過來炎萬道走猿獮細碎幾積厓
屨裏笑見日光當面落光底漸次辨逕庭堂堵四周竟

展拓一橋橫亘架空宵一墩挺直砌峭嶒石鱗風生腋
肘石潭水沁肌膜石案石几石屏牀塔然坐我神仙之
石閣竊聞共燹年土人於此避剽掠更聞亢旱年龍淵
祈雨施濟博只今人際昇平洞恬漠而龍未曾起幽潛
又安知不戢鱗貯澤在深壑我撫長劍發浩歌劃然青
冥開橐籥

張睢陽祠

山河破碎賸孤身智勇如公信絕倫不是江淮營壘厚
定連陝益并疆溼人情大抵崇名教此日猶堪泣鬼神
卻記睢陽城下過西風吹淚灑青燐

咸甯縣志

藝文卷七

詩

十五

文昌閣雙井

金人寶杵銅人節神漢壺嶺走家汝伯益作井元雲生
占星望氣日奇絕玉檻銀床事正多雜採聊饒廣長舌
鬱林有井滂水涑其左甘濃右淡潔甯州有井嵌桐岩
上氣清涼下溫熱鴻臚掘引廖氏井十斛朱砂赤如血
阜翹烏巢蘭和井濺灑着物黑如涅廬陵井共甃石硤
取爛糜粥色各別上九勿幕以口分誰爲關鑿靈提挈
淦川東皋爲鎮山三雁投河過城闌一雁飛入文昌宮
羽毛豐滿澤冰雪兩井相距數武遙就中黃白都香冽
曰者似澄蟠冢源黃者似鑿崑崙穴味性應可辨泉根

清濁以尺界地脉橐籥難拘恒理求潘開通混沌訣挹注不改億萬年王明食福願常渌

邑先達顧廉使墓

奏賦早通籍承恩更典刑彩鷓飛雨露白馬走雷霆一
顆提綱印雙函執法星風清鈴索靜槐影鎖深廳
節使朱軒出觀風五術憑分巡行是雁直指捷於鷹封
谷雲埋骨彈琴雨溼膺至今塋墓石矯首裂孤棱

紫潭弔李孝廉王

毒手老拳賊氣驕排如山倒湧如潮冠軍炙額噴鼻臥
都護晨起鳴銅焦坐此流氛長么麼散作百萬生靈禍

咸甯縣志

藝文卷七

詩

十六

十家九家竄女男十城九城斷烟火君不見紫潭湖東
介通衢金戈鐵騎利長驅君不見紫潭湖北控大江錦
帆出沒捷鳶見螻蟻屯狐豕突乘勢為合爲駮呼逃賊
轉遭賊剽掠不如併力聚守邀而殲之乃良圖父老多
解事子弟競袒臂椎牛釃酒懺揭竿賊果易我不爲備
突然截殺數十人驚相踐踏走鬼魅比屋撥拾慶更生
僵尸白骨收枯淚而今尋說古戰場野塹村堡尙未荒
我對河干奠三瓊魂魄猶雄在故鄉

陳求道先生傳後

萬弩傳聲官軍絕湖左湖右尸磔裂湖裏知時脫疑人

抗首長湖洗孤潔乞休不是戀身家罵賊亦非沽名節
就中白璧女純臣竄走被縛處狼穴利刃甘如飴柔腸
堅似鐵握爪厲齒與夫訣肉鬻骨碎飛香血湖畔烟水
隔蒼茫千秋亘亘高雙椽

邑先達鄭太史墓

公先大夫廷獻賦顧盼未展江東步嬰嫺需次將十年
金花籤貼臨川路親民更揀濟時才鄱陽湖水灑春露
緋魚綵伏虎頭符宦成只是讀書故讀書都莫續書香
幾人子入甯馨數黃河忽瀉洗頭盆此事強半係門祚
太白出地千丈高去天尺五紫鳳毛敬輿岐嶷稱內相
對仗草制以文豪使車一網落空碧岸收翡翠水鱖鰲
於今風雨寒玉局緇經署街更誰屬偶撰栗杖撥齏黠
漠漠烟霄逝黃鵠

咸甯縣志

藝文卷七

詩

十七

巖宮棠樹碑詩 并序

訓導 胡璧華 斲水人

巖宮棠樹碑爲前學博潛江劉東皋先生刻也先生諱
效曾由貢生累官至代州刺史其任咸甯教諭也在康
熙戊午己未間此碑撰自山陰王戡山明府後有鄭進
士邦相跋書法勁秀蓋摹作墨蹟道光庚子春先生元
孫春晚茂才館縣署幕中暇卽來訪此碑余導以勒石
之處完好如初茂才喜錄其文以去余於是曠先哲之

穀賄罔替而好賢者之表彰於前流傳於後閱百數十
年而不令其銷歸無有也其比於甘棠之封也固宜因
作覺宮棠樹碑詩一章示茂才用識景行之意云爾

我識何水部得交東閣客

春曉爲何璜
溪明府西席

昨朝不速來向

我說往昔祖曰東舉公覺宮有遺蹟當年棠樹碑尚存

一片石手自剔苔蘚齋廊費搜索我趨廳壁間摩挲在

咫尺不受風雨侵不借瓦礫擲文孫誦清芬撫覽更尋

繹欣然抄一紙好證家傳册感此發浩歎古誼異俗格

道旁豐碣多半爲長官役媚者頌循良聞者輒詆斥餘

忽姓字湮父老失考核先生一冷官聲譽何籍籍聞其

咸甯縣志

藝文卷七

詩

十六

入官初宮墻猶局迫托鉢效縑流廟庭始奕奕三復篇

中言諸生藉扶掖教法不嫌拘切磨期有益三載依鱣

堂寸陰傲駒隙去時各攀轅呼一諾者百重登李膺門

再築揚雄宅

碑載先生仰象時
士人繫鐘留之

宜茲庠序中永被詩書

澤傳之百十年春風生講席愧我承芳踪每負素殮責

師資緬純儒追慕似親炙試臨逸少書還問鄭莊驛一

碑尙封棠名豈爭旦夕况復蔚孫枝令緒衍清白花亭

競才華

春曉昆季舉孝廉
茂才者十餘人

世業富羣籍他年過雁門宦

蹟並採撫遺愛留堂蔭處處當護惜作詩賦寫藏斯人

今召伯

七年潘髻竟飛霜，棹散何期入薦章。
薄宦久分桃李艷，清才先護藻芹香。
屋烏秋去營巢壘，櫪馬春前過戰場。
去職闔營用兵幾月餘，無恙雲山離緒求蘋花溪畔繫垂楊。

回頭兵氣弄潢池，檄召諸生聽指揮。
刁斗傳籌風似剪

節帥賦威後予借諸紳守城雪夜不懈 轆轤轉粟雨成絲。
正月奉委往茅坪防堵旋甯兩

起營 從容尙觀膠庠禮，奏凱同吟雅頌詩。
吾道干城仗

忠義况經幕府受機宜。
大兵進攻時節帥先諭購謀人崇招內應

一第真如蜀道難。
余應禮闈八次 鼓鼙聲靜忽遷官，乘軒野鶴

還論俸躍水鮎魚疊上竿。
初以從軍嘗薦復因俸滿蒙大憲保 題 風味

咸甯縣志

藝文卷七

詩

十九

那能忘苜蓿芳情，端合採芝蘭畹絳帳低徊切。
學舍授徒

數十 鴻爪泥痕帶雪寒

頭銜曾笑冷如冰，此去差同退院僧。
邀客試揮麈，匣劍

勸人頻剔讀書燈，奇文共賞爭千古。
好境重看進一層

梧竹森森多手植，窗西仍戀忍冬簾。
前年得忍冬一株種之庭中因勝齋

舍日冬簾

淦水潛山往蹟多，一編遺乘費搜羅。
利名競羨馮當世

詞翰誰如李泰和，梓里從新添卷軸。
蘭臺依舊起岩阿

時雷鶴皋同年已官侍郎 書生各有千秋業，莫對殘碑但撫摩。

湖下一塔響風鈴。
塔爲夏憇亭司馬築時所建 突兀峯嵐影逼青

令甘棠宜人畫冷官文筆許鐫銘塔旁有亭曰魁亭予爲作記勒諸石無

多藻采詒他日不定萍踪指客星一事至今猶負負重

陽空訪孟家亭邑志金山有孟叅軍亭予與同人議修未果

邇來倦羽正安巢老樹雲低月挂梢險韻每教師弟和

異書親付吏胥鈔方尋幽趣多栽菊却感名場又繫匏

歸省好娛毛義母倚閨幾度望衡茅家慈齒踰七旬

儂宮軼事口碑傳誦向蕭齋慕昔賢舊雨肯來今雨後

出山須記在山前聰明善用都關福文字知交總結緣

豈有去思留講席詩瓢持贈轉纏綿

却餽金

總河葉存仁邑人

咸甯縣志

藝文卷七

詩

二十

月白風清夜半時扁舟相送故遲遲感君情重還君贈

不畏人知畏己知

桃花洞懷古

邑庠生時年八十有七

劉

駿重遊泮水

唐賢李北海肇蹟自鐘臺古洞千年闢桃花萬樹開巽

時推健筆當代仰風裁少坐雲迷徑書聲隱隱來

書臺懷古

劉駿

宋室傳文簡名賢撥大魁潛山垂架範樞院擢鴻才不

附青苗議半清赤縣災我行經相嶺月色滿書臺

筆峯寶塔

劉駿

一塔亭亭拔地起飛空插入青雲裏疑是崑崙山上玉

笋抽天風吹折蠱淦水又疑巨靈削成卓筆峯神斤鬼
斧移置此憑虛結構費周章賢哉邑侯夏夫子侯膺邑
篆初下車詳問塔基實有無僉稱古塔鎮水口巖家嘴
距數里餘勞瘁不辭披荆棘相度形勢大歡呼風聲所
樹爭奮迅七級崇高起浮圖初平仙術類長房一朝叱
石遍山岡何處覓得秦皇鞭鞭石疾走如鞭羊不待期
月功完竣華花四照耀文昌我來登塔躋塔頂舉頭雲
際與天近四望羣山齊俯首頂上圓光精炯炯鐘臺岬
兀夙鍾靈北海名高氣凌雲文簡科名更濟美三元聯
捷第一人後先相輝映茲塔合題名元燈千載今未墜

威甯縣志

藝文卷七

詩

三十一

拔茅連茹慶彙征

贈僧印川

邑貢生

胡文健

余足跡徧南北方外交遊不少有工指徹者有善雲
林者有以一椀見智飛白呈奇者兼此固寡兼此數
端而又精於文墨不愧詩禪具上下古今之識者益
寥寥吾咸金山寺僧印川實有夙慧而於海內滄通
之儒無往非師卽無在非學而種種皆工焉余年亦
漸老深契其爲人他日以海岳之遊期之遂紀諸詩
云

天下奇男子乃在空門中聞音洎海水展圖起天風方

圓兼動靜落紙非人工鐵畫與銀鈎兩兩姿態雄是何
釋老座翻叅孔孟宮五經昭鼓吹諸史噴笙鏞往往忙
得句星斗驚蒼穹掃室莓苔淨騎鯨漢路通他年題五
岳令我心無窮

九日登馮文簡公讀書臺

胡文健

雁來燕去歲華更遶郭青山一片橫有客登高尋勝會
何人歷劫擁書城帽中菊插三秋色嶺外碑題萬古名
無限蕭蕭飛木葉西風猶憶舊時聲

東臯文筆峯

胡文健

高峯秀插本天成十丈芙蓉未許爭遠望毛錐三寸立

咸甯縣志

藝文卷七

詩

二十三

近看斑管一枝生吐花定有江郎賦走距還增白傅情
入夜繁星千萬顆是誰捉筆點分明

西河橋

胡文健

古道中分一水流行人徑渡未呼舟誰將十丈長虹駕
能便三千駿馬遊洞口桃花吹細細山間月色動悠悠
臨叩自昔傳司馬借問題橋可再不

浦烟晚翠

邑貢生孫燦文 芾仙

野浦蒼茫夕照時晴烟點點色紛披藍拖遠渚雲初淡
碧護清溪日漸低有綠環山描不盡是青着水畫相宜
橋頭小立情何限楊柳依依十里隄

插笏晴嵐

孫燦文

插笏峯頭雨乍晴嵐光曉帶露華輕雲牙有意排金闕
文竹何人拜玉清影入湖心攢浪碧霞流谷口逐花明
崔魏卓立同欽仰木落秋高老氣橫

東臯懷古

邑貢生 蔡發仁

有宋文臣跡尚新東臯山勢擬嶙峋能襄樞密真名士
不棄糟糠卽古人相嶺雲濃曾作雨書臺月好漫封塵
芳規近取蓮池畔青草年年一樣春

桃花尖

僧印川 邑人

峭削排空出峩峩勢接天半凌千磴上迥出萬峯巔有

咸甯縣志

藝文卷七

詩

二十三

鳥冲寒谷懸巖響石泉桃花千朵放春色信無邊

春日遊洞口

僧印川

花發到人間空階只嘖嘖尋徑入幽棲芒屨歷阡陌携
手河梁上依稀數峯碧高峯別有天石門仄盈尺中現
小桃源境界信所適乍來也笑庵危然立山脊是誰種
仙葩一覽供奇獲曲曲泛清波游魚梭滿擲行人路上
稀柳青不傷折一大寬俛仰杳與塵緣隔只有摩霄鷹
儻然遠振翮我掬龍泉飲清風生兩腋

鐘臺山懷古

邑庠生 葉啟忠 盡臣

著屐登臨引興長鐘臺山色鬱蒼蒼地留勝蹟雲俱古

徑步前賢草亦香尙憶秘書窺萬卷會餘文藻冠三唐

翰林六絕羣推重豈爲顛狂名始彰

無題五古四首

甲寅正月揚州萬福橋營中作

雷以誠

西隅有老狐出沒何逡巡並我生世閒悠悠此大鈞多
年學拜斗善媚如美人入邨先高晚時虞睡豹瞋徘徊
河裏冰傾聽尤頻頻憑地只自固多疑性所生以此勞
深宵飛仙術難成狐兮亦大苦青翰慚獻珍

比隣娶妖婦自媚同名姝出身縱微賤未笄隨良夫豐
贍供驕奢幃薄焉得拘恣樂床第深中年寡翼雛婢美
早時嫁妾身無完膚忍使夫嗣絕不復分權娛夫齒亦

咸甯縣志

藝文卷七

詩

二十四

已老婦顏亦以枯嗟哉行將盡怒獅徒叫呼

穴鼠求稻糧有皮亦有體所竊原不多夜動晝或止惟
彼豺與狼貪饑未云已當道恣啖食剝膚并吸髓穹昊
稱好生胡爲復鍾此相育且相害萬類倒顛裏鳳儀獸
舞時不乏饗餐矣在唐尙優容及虞遂極死彼象猶身
焚賈禍得非齒矧茲狹狗餘嚼齧豈能有幾

鳳凰鳴高岡栖梧並食竹百鳥紛相朝五色燦章服麒麟
麟遊近郊麋身角端肉四蹄胡仁厚獨憐衆草綠騶虞
亦珍禽君子行躑躅此皆王者端大化紀穠郁如何梟
獍生殊性偏慘毒飛走歎嗥高厚昧鞠育九頭乳質

輩呼引競相逐鷓鴣無處栖獅象恥與屬仗義鷓鴣奮拳
赤心多善觸雨露兼雷霆春温有秋肅殃祥須自求莫
負因材篤

灤河重九普達拉登高遂至扎什倫布祇瞻五古

百韻 普達拉者漢語普陀寺也扎什倫布者漢語福壽須彌也雷以誠

皇朝經世遠

列聖善繼述鼎定都燕京坎隅現蟾窟函谷關隘同灤

河祥雲集地蟠雲龍靜天關氣象闊爰爲

避暑莊儼向極樂國非萌遊豫思潛運控弦烈御製驕詩意驕

驕聊示威弧矢並觀德締造啟屯蒙

咸甯縣志

藝文卷七

詩

二五

謨猷勝沮漆黃教爭飯依西藏衣冠尙黃口黃發赤衷競栖息量

原蒼昊寬化比置郵疾柔遠自能邇洽肌遂入骨始袞

喀爾喀繼蹤厄魯特班禪亦神移西藏稱活佛當時教主後藏興

願切道里輕萬千

文母齡七十時逢太后萬壽欲來難便拒馭之當令悅御碑文意

肇鳩

福壽工那吝帑費億此處經營周彼邦堂構結房舍傲

幽邃浮屠聳突兀似聽獅子鳴宛致象王歇山廟寶塔及僧房器

物一切皆仿照藏倫式醒迷喻索詫談經解刀寶靈臺

總莊嚴寶珠勿墜失高廟曾與碑說法

綸紵幾行書堅峻數文砌龜背座相連

龍文紀從實明以奉三無隱堪珍六賊信杲及豚魚義
弗分畛域

堯仁蕩無名

舜孝妙有術諸藩悉順軌九疇符歸極夏苗秋省旋前
矩來茲式越自

睿皇寶慎終

宣廟側

園林尙依然崔嵬悵靡陟遷流直到今倉卒初

駐蹕道本能方圓神應審機括去邪踰梁懷卜澗營洛

咸甯縣志

藝文卷七

詩

二十六

識豈類蕪蕪亭尙留壯麗闕

繩武學箕裘

貽謀承燕翼昔或寓深思茲適濟孔亟往歲伊江還顏
年愷澤溢寸衷感難宣三接詞未竭回都履新任理刑
權矜恤夙夜禱

乾健始終筮

震出誓將剖心肝冀少酬毫髮詎意須彌摧頓教夢魂
怵涕泣落潛潛痛悃增怛怛差幸膺光祿攸司重典則
以此馳

行在藉堪効本職哀號跪仰瞻惶悚欽

淵默

聰明慶天直張弛蓋人傑

篤生良匪偶上載渺難測泰轉陽回三復來數計七庚
更歛已經辛新占罔忒珠聯賦於昭璧合光鮮潔自穀
又用成兆氓喜盈室寅恭果一心子諒嘗四達徐圖臻
上理庶可舒中鬱忽爾念前徽悠然尋往轍意馳普達
拉時會重陽節插菊啣白頭題糕愧錦舌醉無緣螳攜
便且烏紗脫塵靜氣彌清霜輕寒稍抑途間風景和望
裏畫圖活伴寡孟嘉侶興欲陶令匹幸免吏催租奚庸
榮賜橘莫把茶萸看休希薏苡給但見彩雲烘卻與瀛

咸甯縣志

藝文卷七

詩

二十七

洲別磨湖鏡未開挂泉帛不裂惜無水也蘇隄謾記西蓬島

繪宜北弗厭山容瘦乍驚鴈影逸環嶺擁千里屏樹綴

五色蓮池想金砂鱗覺燦星日亭瓦皆銅鍍金攢簇誰機杼高

低自凹凸嶂盡飛蛾張峯因擊磬屹有磬停車盼丹楓

掃徑堆黃葉櫛塘羨比崇父老歡刈銓羊孳牛復蕃角

泚耳尤濕茶剛授衣馨椒和香苾蹠跳緣木猿奮迅

摩空鷗行行旱麓邊栩栩古岩側休畏仰彌高何嫌遲

迂折寺僧作鶴引家僮振鶩力列子健尻輪謝公紛眼

纈勢共累三層階逾五百級梯磴木石分明暗堂奧密

檀鐫出世尊銅鑄幾千佛冬狩虎遺皮舊羈驥存飾有

高廟射虎皮及
鞍韉等法物 錦聯參妙語

宸翰景椽筆悟到法無二額懸道歸一

皆高廟
御筆額聯透迤

巔頂升彷彿竿頭立裏裏羅兒孫揆採歌樸械秋水蕤
葭思芳蘭沅沚側日新憶湯盤煙開探禹穴定知熊入
夢應卜天賚弼掃蕩氛祲消清曠弓矢戢然且敬益強
希彼聖而哲曠笑謹勿微好惡關賞罰寂寂常滅如惺
惺審所發冀將玉石區偶采芻蕘得世早慕羲皇今方
賴契稷勤儉克邦家溫恭兼允塞返樸行歸真敷教當
先食不見

帝作歌年年觀稼穡

園垣東南隅上建觀稼樓
高廟御製五律二首

咸甯縣志

藝文卷七

二十八

留別諸同寅七律十首

雷以誠

縻祿蹉跎四十年何當去國尙情牽非嗟計拙圖溫飽
爲悵時艱乏斡旋

丹詔親書來萬里卿班晉秩已三遷衝寒冒雪趨

行在瞻仰

癯堯淚黯然

榮占三接獻芻言

天聽虛懷未厭煩就近籌糧先固本及時蠲賑爲培元
師徒選練軍威壯泉府流通

聖語溢記別

龍顏纔幾日爽鳩兼象復承

恩

億萬同聲望

帝回鼎湖聞變寸心哀攀髯無計隨龍去奉

駕陪班戴日來赤舄綢繆尊

繼統新猷渙汗賴真才珠聯璧合昭天象老眼欣看泰
運開

豈緣詩典始陳謨一點孤忠不厭愚時感

深恩同覆載似憐晚景傍桑榆自

天降命人休詔放我還山迹不拘卻笑尻輪差老健登

咸甯縣志

藝文卷七

詩

二十九

臨幸免倩筇扶

閉戶春寒理舊文唐花映雪發清芬且韜牀劍珍三尺
好覓襟珠重萬斤時烏臨風鳴向日新苗膏雨碧如雲
有情驛柳千絲綠繫我離懷趁晚曛

開藩陳臬只虛名過眼浮雲此念清詎有愚忱孚夙好
漫勞元老慰孤情鴻圖全仗羣公立大厦還資眾力擎
局外觀棋無妙著冀爲霖雨活蒼生

回首時清屈指頻悲歡離合總前因杏林衣鉢歸千佛
座師皆已捐館蘭譜簪纓賸幾人往事不談如脫屣古稀將屆

有長春江雲燕樹情何極萬里飛鴻一尺鱗

世味酸鹹已備嘗今辭

帝闕返江鄉
鳶蘿締好情
仍繫桑梓聯交意
總長時悵
干戈猶滿目
地分南北寫
離腸
近聞楚水鯨
波息得便
烹魚食武昌

升沉夷險九年中
學道慙無面壁功
未到如來忘解脫
已將世界等虛空
溪邊時對清波綠
江畔遙看曉日紅
教子讀書還課士
依然寒素舊家風

生還尙記玉門關
况荷

恩濃接

聖顏樞馬垂衰猶戀棧
籠禽縱倦忍歸山
自嗤白髮隨

咸甯縣志

藝文卷七

詩

三十

年長徒矢丹心對日殷
但願妖氛齊掃卻
凱歌飲至慶
朝班

章柏山頂

童文樞

久作醯雞處
飛行出甕中
亂山天地實大壑
古今空勢
健雲橫鳥光懸
日盪風飄飄
無檢束
翹首望冥鴻

仙人磴

鐘臺山下仙人磴
仙人足跡深數寸
仙人飛去久不還
空山一足千年證
廣石如枰淨如指
夜深飛上看鐘臺
山靈來往哀其苦
六丁開道挾風雷
我欲取向案頭供
以手撼之山骨動
仙人一足如泰山
夸娥顛仆山靈闕

天官妙手雷斧痕水火不爛風雨噴終古山頭叱不起
笑殺金華牧羊人

蘋花溪

卅年不識蘋花溪今日來此纔見之蘋花仙人拍手笑
笑我同鄉識面來何遲君看山水尋海嶽豈知閒雲無
定脚眼前木石皆空靈混茫大塊何處著閒來鍊丹向
深谷吞吸山光飲溪綠蒼龍白虎圍丹爐鐵笛一聲裂
山竹雲衣風馬起高真荒烟亂石更何人手掬蘋花一
葉水爲予洗去十斛塵獨立溪上無一語斜日空林暝
黑虎始知山水無生氣岱嶽不靈江海腐毛羽忽生心
神開仙雲掖我登鐘臺縣崖舉手揮萬山大呼三十六
洞主人齊出來

宿望雲菴

古菴結構高山腹日暮羣山亂進屋塵龕無燈待月來
黃昏佛面觸蝙蝠蕭蕭夜籟生虛壑星月滿宿風雨作
關心早梅要護持自向庭前喚白鶴

登潛山

危磴得風扶乾坤屐笠孤捫蘿驚宿鳥踏草起潛狐掣
光橫詩思崎嶇想世途少年輕虎豹心胆尙疎粗

石割寒雲急天吞絕壑空飛泉噴翼軫仙洞閉鴻濛壁

立崖馱屋松翻日隨風不逢勾漏令丹井洗餘紅
資福寺芭蕉呈寶月上人

張秀澍

芭蕉千葉裊劍到幾層深似我纏絲性如師解脫心涼
喧三伏雨綠借十方陰甘露藏何處披衣趁曉尋

蘋花溪

環渚水泱泱天風響佩裳仙去溪山冷春來蘋藻香白
鷺一雙下鯉魚三尺長欲問燒丹處瑤英綠渺茫

贈同邑余韻笙殉節龍里

吳鳳藻

苦把金戈向日揮難將單騎拔重圍兵臨壁壘孤城陷

人抱河山正氣歸白髮雙存悲鵲肅

時父母具在
年俱七十

丹心

感甯縣志

藝文卷七

詩

三十二

同勵泣鴒飛

其季弟亦
殉節署中

黔陽廟貌森然在幾樹寒鴉噪

夕暉

新建奎星樓

吳鳳藻

瓊樓高映遠峯青像列奎垣俎豆馨百尺畫欄迎曉日
千秋彩筆煥文星光連牛斗瀛洲近秀毓科名淦水靈
馮相書臺看對峙莫徒風月玩窗櫺

杜亭

吳鳳藻

憩亭曾建綠楊汀

在嚴家嘴塔旁
前令夏侯字也

又覩名山杜母亭下

邑偏多賢令蹟芳蹤爭仰哲人型棠留召伯思遺愛碑

勒羊公感舊銘不獨登高傳孟叟風流徒憶屐痕停

東

山有孟公
登高高

錢陸二貞烈女紀事

童文樞

賊變官兵兵變賊豺狼之性不可滅夜入咸城人莫測
 婦女畏逼多自決城中古井尸半塞錢氏陸氏女更烈
 大聲奮罵斫頭賊引頸受刃賊刀折羣賊環觀盡變色
 吁嗟乎十年世難橫亂尸人道一線將屬誰恨女生不
 爲男兒禮義廉恥國之維乾坤骨子須扶持何物女子
 能如斯城南詩人爲作詩拔劍擊柱撞玉卮丈夫肝胆
 與鬚眉女兒纖弱髮垂垂東門山石何離離女貞之木
 高無枝照耀吾咸光不緇女不磨滅女應知我有鐵板

咸甯縣志

藝文卷七

詩

三十三

與冰絲詩成一彈一詠之

偕戚某珠山寺納涼

僧出素紙
索書賦此

邑章雲海

函谷
太學

偶然避暑到珠山暑氣全消頃刻間數里鐘聲林外落

一溪泉水寺前環桃花恍怱紅迷洞山門對桃
花尖山苦竹依

稀綠過灣隔寺半里許地
爲苦竹林草罷龍蛇僧意愜殷勤送我

嶺頭暹

桂子樓

章雲海

漫道元龍百尺樓曲欄憑眺豁雙眸軒開曠野心俱遠
 座挹清泉興倍幽下里許有
大小二泉楊薰風花影外一簾明
 月竹枝頭時當溽暑忘三伏閒望嘉木綠滿疇

淦西宗嶽橋十咏敘

邑人 孫燦文

淦西宗嶽橋古西河橋也遠吞北浦高枕西山接鍾臺
而桃洞春開鎖珠林而金燈夜燭木潭橫水晶之鏡石
壁森雲母之屏插笏朝天帶河絡地鳳嶺標於雲漢虹
光射夫斗牛 先嚴君結構方新氣連壽嶽鄭明府嘉
名肇錫日照豐碑 鄭公諱夢馨乾隆丙辰篆成甯先嚴
修西河長橋功竣公爲記碑立橋東
文也讀書玉閣掃榻山榭興匪逸而遄飛情以長而起
舞敢云江山得助但冀風月無虛十日既成七言用賦
惟引亭雲之鳳倚曲而歌倍效醞甕之雞劇談益韻 詩錄

十首
之二

成甯縣志

藝文卷七

詩

三十四

北河風帆

風濤九曲送吳頭鎮日長河過客舟數點行雲齊地上
一行征雁共天浮浪花遠破春江綠烟樹同分古渡秋
欲問中流朝繫處蓬萊海濶近神州

洞口桃紅

十分春色九天回玉洞桃花趁曉開採取元都紅萬樹
裝成花縣錦千堆人家雞犬丹霞裏野寺龍蛇赤水隈
當日武陵尋路後而今又向此間來

過官埠橋遇雨

邑貢 生 胡春燦

春烟翳碧不成絲馬過橋邊細雨時爲愛如酥官道潤

袖邊覓句意遲遲

宿稼成鋪

前人

稼成鋪外屋寥寥幾箇人家傍石橋一夜小樓渾不寐
雨聲嘈雜滴春宵

冒雨過鰻魚洲

前人

屈指芳城近梧村路已遙客懷縈釣艇詩思壓驢腰細
雨洲邊樹蒼烟水上橋徐行聊按轡莫羨馬蹄驕

雨際登禪臺山

邑增 吳兆榮

霖霖雨際到禪臺一壁蔥蘢列岫排綠葉扶身衣帶潤
青山托足地無埃閒乘石磴梯雲上恰見天池澈霧開

咸甯縣志

藝文卷七

詩

三十五

好鳥依依聲在樹應知悅性去還來

長湖烟雨

黃岡 陳輿本 培之

一望長湖輕散縷半是新烟半是雨迷離不辨三兩村
但聽款乃數聲鶻鶻數聲天不明水天一色兩相縈滿
湖紅樹雲烟鎖漁翁把釣戴笠行行戴笠浪聲急四圍
薄霧繞城邑祇待上天晴霽開太陽無處不收拾

相嶺閒雲

前人

雲本無心者閒從相嶺堆將行猶似住欲去又旋來帶
雨迷紅樹隨煙鎖綠苔馮公遺蹟在登眺亦悠哉

石門潛跡

志後即迹跡不
門寺詩乃此時所作

禪林曠日靜無譁雲鎖深山落照斜仕路羈人誰轉步
鍊爐鑄我便爲家階馴鳥雀幽情適座理琴書雅興賒
卻笑陶潛植五柳榜門猶未避聲華

舟次斧頭山

白鳥孤雲自往還西天斜日半銜山片帆高揭風頻順
一葉歸來月乍彎已過洪濤千百尺旋依茅屋兩三間
榜人倦極聊沾酒飲對鄰舟共話閒

咸甯縣志

藝文卷七

詩

三十六

續輯咸甯縣志卷之八

雜紀

災祥 兵防 者壽 技藝 流寓 仙釋 金石 拾遺

介甫雜說雜而夸者也酉陽雜俎雜而誕者也志編雜紀毋乃類是然物以相雜而成文矣左氏有外傳史有稗官是已况上下古今天道之變人事之異物類之繁蹟恒日出而不窮使鉅目宏綱采入各類此外概指為駢拇瘤贅之屬不幾有絲麻而棄菅蒯耶夫網羅散佚作者之事也太史公上述皇初雖書闕有間猶考其軼於他說志亦史類也志雜紀 壬午續志補

災祥

咸甯縣志

雜紀卷八

災祥

一

古來災祥不一而俱歸於天心仁愛匪曰垂象以示吉

凶已也若何而旱若何而雨若何而草妖木怪若何而

星退舍若何而蝗不入境虎渡河天道固在入事之中

亦甚邇矣慎毋泄泄以處而坐誘於莫可知之數夫數

果無可回也天亦竟虐之而鞠凶之矣何為先事而示

之哉爾悅曰其本在地而上發於天自人招之則亦自

人弭之耳震之咎者存乎悔在朝廷則問君相在一方

則官斯土者曷可辭焉志災祥

王志

災異紀

宋真宗景德四年始名咸甯紀災祥自宋始

宋神宗熙甯元年天雨白菴狀如馬尾長者尺餘瀰漫

山谷 哲宗元祐七年雨土 徽宗政和八年大水

孝宗乾道元年大旱 淳熙元年大饑 三年旱 八

年旱 九年復大旱 十五年久雨害稼 甯宗嘉定

元年冬燠如夏 六年大旱 元成宗大德二年旱

仁宗皇慶四年旱 泰定二年屯糶食桑 文宗至順

二年大饑 明洪武二十二年大水 永樂二年三月

火 五年十月地震有聲 宣德八年大旱 正統二

年六月七月連雨大饑 景泰元年春大饑 四年大

水 天順四年秋大水害稼 五年夏大雨水溢 成

化元年大饑 四年大水十月辛亥朔地震有聲 六

咸甯縣志

雜紀卷八

災祥

二

年大旱民半流移 三十三年春正月地震 宏治元

年大饑百姓餓斃無數 正德元年春大饑秋大旱

二年春正月不雨至於三月雹殺禾麥 十一年桃李

冬華 十四年夏大水秋大旱 嘉靖二年春夏旱大

饑 七年六月風雷拔木秋大旱饑 八年蝗飛蔽天

十一年大水 十八年六月蝗飛瀾障天日 二十

二年六月暴雨大風淦水入市風拔木 二十三年夏

大旱秋大饑 二十四年饑疫 二十八年夏大旱冬

十一月地震 三十一年大水 三十三年夏五月至

九月不再大饑十二月地震 三十四年十二月地震

三十五年大水 三十七年十二月地震 四十年

春霖雨大風拔木 隆慶二年夏大水舟入市 五年

民訛言兵至鄉邑驚擾旬日始定是年牛生五足 萬

曆二年木稼 六年四月壬午朔雨雹 十年大旱

十一年大旱 十二年春大疫 十六年戊子歲大祲

人採木皮以食饑死者甚眾 二十七年丁酉大潦舟

人泊西城圍以渡 四十二年甲寅蝗入城歲大祲

天啟四年甲子春木稼合抱者皆折是歲大潦 崇禎

七年甲戌六月地震屋礎動搖臥者多撲於地 十一

年戊寅雨土地盡白是年賊薄城下遍城戈矛出火烟

咸甯縣志

雜紀卷八

災祥

三

烟有光冬客兵駐西郊驟產駒 十二年己卯冬木凍
城北房屋有雀來巢 十四年辛巳蝗入城是歲大祲
國朝

順治二年乙酉大疫 九年壬辰夏秋不雨歲大荒前

官捐俸粥饑民其不便粥者給穀存活 康熙二年癸

卯五月二十一地震自東徂西有聲秋七月大水舟自

北城頭自泛入城是月天鼓鳴 三年甲辰三月雨雹

如塊殺麥好事者拾之不數十已盈缶中空一隙礎之

迄不爲動入水輒化 四年乙巳正月二十九天鼓鳴

經時方竭九月二十七天鼓鳴如巨砲然 五年五月

二十二河鼓鳴自戌至亥方止 七年二月天晦白晝
如夜雞犬皆驚六月地震 八年四月十四風怪吹折
民房數十間湖浪直躍千尋山木盡爲偃拔 康熙戊
申六月大墓山有龍突現頭角三日鱗甲晃如金赤居
民往觀之忽白晝飛騰穿山爲河蕩民蓄產越十數里
七年七月有土龍遊於衙前旣而雨霽不能升躍市
兒擊其頸以戲於市 舊志乾隆戊申大水進北城直
抵中城 嘉慶七年壬戌大旱 十四年己巳大旱

十九年甲戌彗星見 二十五年庚辰大旱 道光十
一年辛卯夏大水進北城門秋有獸如犢名豺狗入鄉

咸甯縣志

雜紀卷八

災祥

四

村噬小兒及犬豕類卽至邇年尙不時出見但不大害

十二年壬辰大疫日色雜白 疫行自辛卯冬始至是年秋止 十三年

癸巳大水抵北城下 十四年甲午四月初二夜大雨

驟至疾風迅雷吹折牆屋不少大樹亦被拔倒 十五

年乙未夏旱蝗大饑 十六年丙申彗星見冬雨雪如

線 二十一年辛丑冬大雪平地數尺冰堅如石 二

十八年戊申大水較辛卯年爲甚 二十九年己酉大

水較戊申年尤甚淹及山坡壞民廬舍無算北城上水

深六七尺舟直行入城 三十年庚辰春大饑 咸豐

四年甲寅正月兩日相盪乍離乍合是秋大旱 五年

乙卯夏大旱 六年丙辰大旱自五月不雨至八月民
病於汲歲大饑 七年丁巳秋刃星見蝗自東北飛來
蔽日遮天數日始散幸穀已登場不至大饑 十一年
辛酉彗星見水抵北城冬十二月下旬大雪平地深四
五尺行人多凍斃湖面冰結厚尺許車夫擔脚竟有履
冰而行者 同治元年壬戌冬十二月至癸亥春正又
大水凍是歲夏秋大旱 三年甲子旱秋冬之交鄉間
雞毛有片片如剪斷者莫解其故 四年乙丑秋旱尚
不成災 五年丙寅夏六月大水衙署後城關不沒者
僅二尺許 光緒八年壬午七月間東啟明星光散如
彗或以爲蚩尤旗或以爲太白經天 九年淫雨麥紅
食之腹痛吐嘔

祥異紀

宋真宗天禧辛酉五年德星入翼十二度

宋皇祐元年己丑祥雲繞華蓋星

宗熙甯二年麥一本三穗五穗凡十四莖

麥異畝同穗 元成宗元貞元年野蠶成繭更數百里

民取爲纊 明宏治五年學宮產桂一枝 崇禎十五

年壬午元旦縣學大成殿紅光偶見衆以爲火也赴之

經時始散 國朝順治七年八月有鳥大差於鵬棲宿

咸甯縣志

雜紀卷八

災祥

東皋山三日而去 康熙戊申年三月覺宮村結子盈
樹其大如穗士民多採藏之 道光三十年庚戌麥穗
兩岐凡一莖至四穗五穗 同治二年癸亥冬至日甲
子日月合璧 三年甲子麥一本雙穗三穗四穗不等

兵防紀

咸非用武之地也然近隸鄂省相距不二百里遠通岳
湘爲諸邑屬道所縮輟用武者恒必由之明季流寇往
來獻賊陷咸闖賊亦恣蹂躪近者咸豐之初粵逆土寇
相繼倏擾受禍最烈矣 本朝兵制縣設城守把總官
一員官兵五十名戰與守均無足恃倘烽烟告警團防

咸甯縣志

雜紀卷八

災祥

六

顧可忽乎哉志兵防

壬午續志補

明崇禎十六年賊張獻忠陷咸甯忠僭號武昌爲天授
府據楚王第鑄西王之寶設僞官開科取士李自成在
襄陽聞之忌且怒貽書譙責之左良玉復西上僞官吏
多被擒殺獻忠懼乃悉衆趨岳州道經咸甯遂陷之

本朝乾隆四十年崇陽洋泉洞教匪蠢動正月官兵駐咸
防堵 道光二十二年壬寅春正月崇陽縣爲錢漕起
釁亂震動全省三月總督裕泰提督劉永孝兵駐咸城
計平之維時城內居民遷避鄉曲者十之八九二三月
後仍復安堵如常 咸豐二年壬子十一月十一日粵

匪過境東西關外廟宇盡燒幸追兵在後未甚受害迄
十五六日潮勇至蹂躪不堪紮咸月餘始走 十二月
初四大霧省城陷 三年癸丑正月初四賊全隊出城
走以次陷九江金陵是年冬復由江右擾興國武昌至
金牛 四年甲寅圍省分擾咸甯并崇通蒲嘉各縣直
至湖南境咸城外房屋多被燬壞 六月巡撫青麐因
糧缺無援棄省由岳走荆賊勢愈熾 七月初旬禮部
侍郎曾大帥國藩命邵丞川人李光榮克復咸城比因
賊眾兵寡不敢駐紮旋歸大營賊仍猖獗初八黎明蜂
擁入城士民遭刃死者十餘人赴水死者十餘人幸督

咸甯縣志

雜紀卷八

兵防

七

糧塔齊布方伯羅澤南大兵至賊棄城遁追至橫溝橋
地方大獲勝仗殘賊復往東竄迨八月克復省城鄂屬
始安 五年乙卯曾大帥九江失利賊復上擾二省
城又陷賊分股擾湖南由咸經過民多徙避 四月鄰
邑土匪乘釁入城燒城內及東關外房屋數十間城中
士民遭戮投水者約十餘人是年冬巡撫胡林翼方伯
羅澤南李續賓由江右湖南追賊克復咸城有 至省
城四面圍攻城內之賊嬰城固守城外之賊尙分擾各
縣 六年丙辰四月賊擾咸城知縣汪靜淵父子守城
戰賊陣亡 五月羅澤南在省攻城陣亡 七月賊復

圍咸城知縣黃鐘鳴率鄉勇擊走之 冬十二月克復省城 十一年五月賊復擾咸六月提督鮑超成大吉帶兵擊走之 同治四年乙丑四月初七日鮑超勇叛擾咸戕官肆行擄掠城內之苦較歷年尤甚賊據城越三晝夜始走被擄者約二百餘人後計未逃歸者猶四五十人

團練紀畧

邑舉

咸豐壬子冬粵賊自湖湘下竄過咸燬邑署武廟及第一山資福寺安瀾宮時承平久民未知兵一旦難及驚皇萬狀鳥飛獸散不知所爲不數日賊去又經潮勇之

咸甯縣志

雜紀卷八

兵防

八

擾民難安枕矣時六都小賽販章鎮蔡程諸姓聞賊狀橫直數里幼爲小團藉保鄉隅頗少安明年春賊竄下游鄉人耕鑿無恙團練遂解二都孝廉呂舒齋昆仲及國學鎮旭齋諸人集勇捕斬地匪朱九保兄弟石川販一境獲安越甲寅春賊復上竄二都王水心茂才與錢翰臣諸君爲同安社集勇殺賊勢孤力竭遂爲賊戕社事亦敗時紅巾遍地寸步荆榛加以焚殺同安閭邑膽喪又明年春十二都金家灣等處三十里多爲賊燼聞者膽益落自是燒殺所至雖深山窮谷無或免當甲寅七月初旬三六都毗連之岷推章蘭室爲團長立保康

局初提勇巡邏新橋地方獲賊渠夏劉等斬之復得鎮
君奇峯胡君朗齋場谷沈灼軒陳瘦梅張爾玉數人與
共事其勢益張章復纂團練條約二十款輯成卷刊佈
鄉閭俾有所持循由是齊團練勇大小數十仗殺賊千
計賊鋒少挫焉當是時賊勢方洶人心惶惶勢成騎虎
不復可下出死入生艱險莫測流言警報一日數驚是
豈一鄉一里之可以歲事哉幸各鄉團局棋佈星羅一
都縣城則有永安總局官埠橋則有大興局二都則有
同安社固安局三都則有積善局局首爲劉德隅周煥
西屢社殺賊三四都連界之永逸局四都之正德局驍

咸甯縣志

雜錄卷八

兵防

九

安局上五都之萬安局潘家橋局下五都之長綏局社
都毘連三都之保康局保安局保安局長爲周于訪周
馨山朱煥南上七都之至誠局保定局下七都之定一
局樹聲局八都之青衫局九都之長安局十都之永安
局局首爲雷郁齋張鑾坡上十一都之善善局靖安局
局長王道南諸人其團練亦爲著名以及十二都有保
和局上十三都下十三都各有局均能除匪安良保固
地方咸民之幸免於難而得生全者亦團練有以維持
之也其中親睦社三局上團爲保安局中團爲保康局
得以無恙下團萬安局於咸豐五年春僞丞相鍾賊大

殷粹至局首劉大慧黃正邦被戕上中團聞報提勇救
援戰於咸武界高橋地方大獲勝仗賊夜半遁往金牛
時二月十九日也蓋是三局者有事則首尾相應而又
聯武邑馬鄉八里局爲邑東南屏障江邑三二局爲邑
東北唇齒聯絡一氣輔車相依彼此乃相恃以無恐縣
城一帶當湖南北要衝戰守均難受害尤深人多挈家
遠避十室九空賊來則盤踞爲巢賊去則搜括如洗中
間汪黃二縣主履任招募壯勇諭各鄉集費以資然兵
燹之際脂膏云竭多不應手勇亦旋集旋散咸豐六年
四月賊擁入城汪主殉難本年七月賊又圍城黃主踰

咸甯縣志

雜紀卷八

兵防

十

保康局提勇救援賊偵勇到解圍去後稍平靜同治
年夏初羅邑侯在任霆勇至城猝變戕官害民縣城之
苦較前尤甚此邑城之團練所以難也夫咸稱瘠邑賊
去來無定奚堪迭遭此蹂躪哉所恃各鄉團同心協力
以固疆圉邑城亦藉以環衛咸豐十一年夏下游賊竄
至興國離城界不數十里未受侵軼亦團練之防堵周
也自是閭里安靖人民復業除盜賊輯紛爭警頑梗維
風化重文教樂正供至於今是賴則皆團練之爲也夫
團練之法莫要於堅壁清野處處堅壁則賊來無所容
處處清野則賊去無可掠又加以氣誼之聯偵探之勤

器械之堅利武藝之高强守望之週密奸細之盤查則賊已無間可乘而且游惰之民易爲匪類則防閑之不少疎暮夜之行易爲賊緣則禁絕之無或想諸言之惑衆反張賊鋒則警戒之無使傳事前則約束謹嚴事後則賞罰公正團練之要孰有加於是哉夫咸治面山背湖其可資保障者如大墓山銅鼓尖山成山砦黃茅山禪台山黑山蔣師洞及銅門城掛榜山桃花尖山黃山砦俱可修築以資避亂而惟三六兩都之桃花磧與桃花尖相連章蘭室向有桃花磧記列舊志其地利具載記中桃花源不是過也若修築完備隨宜佈置避亂最爲完善其寨規一切章亦著有成效是蓋團練時之可作退步而有所恃以無恐者又不可不亟講也其各局辦理情形年久不盡記憶姑誌其大畧如此

土寇紀畧

發職 錢光奎 少白

嗚呼民何不幸而丁髮逆之變也我朝定鼎以來

列聖相承湛恩汪濊最爾咸托庇仁宇食德服疇者垂老不見兵革二百年於茲矣慨自金田賊起嶺嶠豺獍挾烏合之勢踰粵西竄湘南水陸並下陸則由岳取道於咸向軍門統勁旅以躡其後賊不敢駐留直犯鄂垣咸故未受甚害此咸豐二年冬月十一日事也十二月初

咸甯縣志

雜紀卷八

兵防

十一

旬鄂城陷次年正月賊棄城走以次陷皖省各郡邑逕

取金陵時咸猶未有土寇也迨四年正月賊竄黃州復

上犯鄂垣土寇若李正純縣七都人黃自賢縣二都人王世蛟陸

保禮均縣十都人遂紛紛從逆助亂矣先是咸豐二年賊未

竄楚北上憲檄州縣諭飭紳士團練捍衛鄉里咸邑侯

子隨莫公叠次札催無應者惟同安社毅然集壯丁議

條約籌經費備戈矛倡明大義肇起團防頗有端緒至

此土寇肆虐遂激發眾志與之搏戰屢擊敗之賊實畏

鄉團必欲滅之以立威四月十五日夜伺團不備合眾

大至勢不敵遂潰同安一潰愚氓懼焚殺之慘相戒無

咸甯縣志 雜紀卷八 兵防 十一

敢議團者由是偽丞相劉鬍子江夏人偽軍帥祁國富縣四

人自逆黨逃歸藉賊官之偽號結綠林之巨豪虎負城

隅虛聲恫喝張鄉里極力括搜而偽疏附黃河棹營

瓦莊即瓦莊人偽總制余慎貴踞石洪即石洪人偽百總陳元通

紫馬橋即馬橋人偽頂天侯度章訓屯官準劉典縣三都人橫

行於柏墩梅奉啟縣一都人盤踞於長壽謀主則有陳文思

縣官祁學餘縣四都人何安憲太子廟人沈家庸縣二都人各賊頭爪

牙則有郝樹鴻度育萬均一都人楊朝遠楊萬年朱其福均

十二沈以勤縣二都人鄭文勤十二都人毛虫毒縣九都人各賊目多

者統數百人少亦擁百數十人而旁邑巨猾如偽監軍

熊桂生偽總制廖逢金來自崇陽明繼遠袁大珏來自興國焦畫匠紀宰來自通山武昌出沒不常往來如織此皆余之所及知也其他從逆黨與狼奔豕突爲余所不及知而不得載筆以紀者又不知凡幾矣大凡賊一至村落羣無賴子與山谷亡命暴桀者倚其虐燄羣相煽附而助之威賊益張所過無不敲朴剽奪焚劫屠戮者民畏荼毒勢不得不醵金致犒冀兔燒殺親睦保康二團賊則不敢入大股亦僅假道過之各都縱立團局徒擁虛名而已善善團間偶與賊抗噫此何時也紅巾滿地自刃橫天旌旗色變見者心驚礮鼓聲喧聞者股

咸甯縣志

雜紀卷八

兵防

十三

粟賊兵如蝟民命如草矣嗟嗟惟天生民有欲無主乃亂余際斯時愈識君恩之大莫作離亂人諺語信不謬也夫天下事無不可爲顧勢力何如耳同安惜太孤耳向使同安起事之日各鄉均築堅塢里有社團大小相維彼此相救官軍躡於後土團拒於前賊進無所掠退無所據方束手受縛之不暇又何至滋蔓難圖養成滔天之勢也哉然自古兇逆之徒未有能得保首領者頃帝威遠震寰海鏡清助亂爲逆者靡有孑遺矣前車猶未遠也天下之生一治一亂踐土食毛之倫治則鑿井耕田勉爲良善亂則練團結寨力衛身家慎毋狂諄不軌

誤入迷途致與極惡窮凶同遭顯戮斯又普天率土所宜凜爲殷鑒者已

耆壽

山同仁靜祝壽所以擬南山也咸鐘臺一峰挺秀東南鍾其氣者往往多壽况我國家綏猷錫福壽考作人沛登極之恩詔詢黃髮崇引年之典宴賜瓊林咸已疊沐鴻施矣此外士林者舊康衢逸叟皆熙朝人瑞也合登志乘以存靈光壽母編列女類不復載志耆壽明

陳俊任丹陽稅課大使壽九十有五傳載隱逸

咸甯縣志

雜紀卷八

耆壽

十四

王賓以諸生舉鄉賓儒官壽九十有五子惟昌教諭王維昌號襄明由歲貢任教諭以子珍錫封戶部主事壽八十有五

王琰錫庠生珍錫兄壽九十有二與祖若父三壽作朋董受之庠生上十三都人壽九十五歲

國朝

恩賜翰林舉人者詳選舉類不復載

陳惟選號永文六都人少好閒靜善補導之術壽百有七歲方瞳玉面宛若少年

夏雲翠十二都人百有二歲邑紳賀以詩者五十餘章錢有斐字紹武號誠齋邑增生肇夏次子性英明有才

畧繼前人志事爲善於鄉嗜學經術湛深尤精於易
某制軍嘗贈以周易彙解暮年手不釋卷猶能作蠅
頭書無疾而終壽九十三子孫入膠庠者十餘人

查騰萬四都人享年九十有六眼見四代臨終之日召
子若孫立床下囑曰不貪金玉重重富但願兒孫个
个賢言已含笑而逝今廩膳生查賡藻其元孫也

鎮其祐號景泰六都人雍正三年生嘉慶二十五年卒
壽九十五歲

鎮天柱字綬五號郁菴六都人邑庠生乾隆六年生道
光十二年卒壽九十二歲

咸甯縣志

雜紀卷八

耆壽

五

鎮其祚號錫純乾隆元年生道光十一年卒壽九十五
鎮其祧字榮裔號昌菴六都人太學生乾隆十一年生
道光二十年卒壽九十有八

劉駿號桂林上五都白水畝人邑諸生年八十重遊
泮水壽至九十有四書法宗劉石菴相國人咸珍之
或謂筆有山林氣然自成一體不可非也富於詩刊
有雪鴻集行世

劉萃由庠生舉孝廉方正道光乙未年重遊泮水壽
八十八歲傳載辟舉類

錢成選號春浦邑增生壽九十有一少異敏讀書口數

行下學間淵博最工古文辭亦史漢亦歐韓藉先世遺業不筆耕後進以文就質輒引掖之門下多顯達者竟以諸生老家居敦內行宅心醴粹自序云作事期無愧此心待人甯使失之厚又云橘橙秋有色薑桂老逾辛我獨碌碌遲暮徒傷可以概想生平矣耄年以書史自娛子若孫多能世其業洵咸邑耆舊云

胡明山世居浮山性真樸以孝友傳家壽近百齡眼見四代無疾而終子三孫曾林立次孫良善邑增生

余勝萬上七都人咸豐元年壽九十四縣憲黃詳上咨部恩給從九品頂戴子盛朝貢生

咸甯縣志

雜紀卷八

耆壽

十六

余鵬高生於乾隆五十三年見年九十六子華榮太學生橘仙郡增生

孫達權號柳坪邑增生光緒庚辰年八十有二重遊泮水壽至八十五情性和易近人品學兼優老猶嗜書手不釋卷洵儒林耆宿也子江曉庠生

劉鳴皋號度之邑諸生性醅謹事父嘗糞驗疾以孝聞居鄉與物無競植品篤行堪爲閭里矜式壽八十五

吳開明監生性長厚里黨稱賢壽九秩眼見四代康強

考終無疾而逝子兆琨州同職銜孫殿琛諸生

馬氏通考列雜藝術一門蓋古君子抱道蓄德亦游心
藝林而遭時不偶恆托雜家以自晦咸以技藝著者泰
和六絕書翰其一伯涓通星厯見徵明洪武時尚已

本朝一藝成名頗亦不乏業岐黃精星學攻青烏之術
至書畫名家更風雅事也舊志載無考疎已志技藝壬
午續志補

王禹錫號耐菴纂修康熙乙巳志工畫酒酣潑墨滿紙
淋漓尤善梅骨格清高意趣閒雅尺縑片楮人咸珍
之書法亦勁秀絕倫今鮮有傳者

陳鶴年號頤生三都人善畫蘆鴈用筆蒼老

咸甯縣志

雜紀卷八

技藝

又十六

錢世極號小星幼讀父書不沾沾爲帖括學思以書畫
名家書做石葱佩珩筆意畫山水甚佳菊螭尤簡潔
老到寫敗荷可入逸品且精六書印章皆極手自鐫
子若燦庠生

黃子谷號虛齋十都人善畫蘆鴈用筆蒼老馬尤所擅
長人爭寶之

張元俶字畝南號載夫考廉元燈弟庠生家故厚先學
畫於黃子谷能得其神似後造詣益精所畫山水雲
煙縹渺筆力蒼勁情不多作流傳者少候選訓導成

憲其孫也

雷以誠號藿郊文章經濟已載志中且工書法筆力秀勁絕倫喜畫梅瘦硬通神如其人耄年風趣不減

胡魁號梅嶺諸生循例入監孝廉泮之兄書法秀健老於筑陽有書童侍魁久忘其名素不識字後能作擘窠大字今穀城武屬書院秋蘭紐佩額乃其遺跡亦魁之教澤及之也

周謨諸生工書法一時聯額擘窠大字多出其手今猶有存者

方傳中名道源號心田邑諸生工書法初學顏柳不屑爲描頭畫角後寫蘭亭亦到恰好處年未五十卒故

咸甯縣志

雜紀卷八

技藝

十七

世少傳之

戴清畧畫學荆關尤工作小照性耿介不肯率爾操觚富豪某聘繪行樂居月餘不爲起草久之僅畫一面相而出最嗜酒每春日攜榼遊山間快意獨酌醉則響爆竹以爲樂

方鶴林號香山學畫於鐵橋道人得其薪傳水墨花卉翎毛俱用大筆神情畢肖遊荆襄南陽湘中各噪甚晚年筆更蒼老更號呆呆道人

王昂字天章號清溪少聰穎好讀書尤敦內行出應童試拔前茅而未青其衿廁名成均非其志也後棄

帖括而精研醫理博綜岐黃家言於張仲景李東垣張景岳喻嘉言諸書靡不通貫而撮其要旨則在辨明六經間疾者戶外屢恒滿車無停軌製方不取錢病愈亦不受謝年五十九卒鄉人之病而不能延醫者至今猶念之子南洲亦世其業孫家瑞廩膳生

董欽亭工醫內經素問以下諸書爛熟者百餘種壽八十有三而終

雷氷若精命理預知人生死斷定年月日十得八九諸生錢德峰已物故矣後人以命試其技氷批云此富秀才之命也某年某月某日已嗚呼老矣至今日猶

咸甯縣志

雜紀卷八

技藝

十八

以呈算非汝之記訛卽我之見謬也技真通神也已孫春芳邑諸生上七都梓潭人精命學推人五星休咎纖毫悉驗星士奉爲子平殺世人猶稱之

胡駕山少究心星學晚年益精五行生尅制化之理豁然貫通著有命理秘旨惜世少傳本

錢元音號炳文少讀書試不售究心堪輿金鎖青囊諸書能鉤元挾奧遊建業鄖陝武漢間所葬吉地悉有圖記應驗如響殆青烏白鶴之流歟子中孚世其業金和聲號韻餘精地學蒼萃郭楊曾賴諸家得其要旨南遊海嶽北走幽燕見益廣卜葬者咸欽仰之傳載

義行孫范卿有祖風

流寓

山水名勝之區高賢逸士往往托足其間後代流傳覽其詞章與其事蹟令人低徊不盡咸僻且隘寄跡者寥寥維茲四人幸於陳編中搜採得之載諸簡末聊以誌景行之慕云

壬午續志補

辜 舉江夏人明洪武初徵辟知饒州德興縣宣德威招撫流亡聚民兵障寇時開礦權銅爲民患奏罷之乃修學校建橋梁闢菴蕪雞犬相聞漸爲樂土後由江夏寓邑十都長樂鄉子孫遂占籍焉今庠生錫三

流寓

咸甯縣志

雜紀卷八

十九

黼臣其後裔也

吳廷舉號東湖嘉魚人成化乙未科進士歷官工部尙

書謚清惠正德十三年以都御史賑恤湖北寓咸甯

題詩署壁刻石

載藝文類

邑旱率縣令吳聰詣寓仙洞禱

再有應歎歲轉爲豐年補學宮祭器剏嘉咸社學又

驛道增植路松行人獲蔭以小暑日建寺十都因名

小暑寺且植松一株至今數圍人咸有召棠之感云

趙 輅雲南曲靖人舉人明宏治間知咸甯事流寓咸

甯今後裔無考

吳東白徽州歙縣人萬歷年間由斷事長官司斷事左

遷咸令卸任後兵亂不靖卽流寓咸女字邑庠生董
治公歿葬長壽坂陳姓後山妻金宜人同塋

仙釋

自古三教流傳儒宗而外厥爲仙釋夫天下豈有仙人
釋氏入中國自漢明始前此未有也古儒者黜邪崇正
方將人其人火其書廬其居恐其爲民物之蠹而屏絕
之不遑志於何有今者

純陽呂祖仙師

勅加封號載在祀典已若釋氏一教

高宗純皇帝惻然不忍廢之因爲詩以見意云頽波日下豈

咸甯縣志

雜紀卷八

仙釋

二十

能迴二氏於今亦可哀何必闢邪猶泥古留資畫景與
詩材大哉

王言量同覆載然則二氏之教奚足以惑世誣民也哉志仙

釋 壬午續志補

葛 洪字稚川自號抱朴子丹陽勾容人晉元帝累召

不起止羅浮山鍊丹著書推明飛昇之道導養之理

黃白之事內篇二十卷外篇十卷卽以抱朴子名篇

又著葛仙翁胎息術一卷曾鍊丹於邑之潛山有葛

仙巖巖上有壇卽其煉丹處石竈猶存僧寺中供奉

葛仙木主

洪崖先生未詳何代人十二都掛榜山相傳其煉丹處此山故又以洪崖名

鮑姑洪崖先生煉丹於洪崖山其下爲蘋花溪嘗有老姥采蘋於此問之曰吾鮑姑也忽不見

古仙七人修煉於金龍洞白日冲舉丹池猶存

指宗和尚常德武陵人崇禎二年至邑中古田畝灰沙洞止焉三年後於西郊外火化見出金光趙存孩先生爲作神僧傳

海鷓和尚前明僧曾募修西河橋

石城和尚康熙二十二年曾募修西河橋

咸甯縣志

雜紀卷八

仙釋

三十一

大力和尚康熙三十二年爲修西河橋曾苦毀募化

中立和尚雍正十三年曾募修西河橋後於北城校敵

外火化時有人於數十里外見其手攜草團游行道路殆仙去矣

路殆仙去矣

生生道人不知姓名或曰漢陽人行符水方藥於咸甯

間多奇驗咸孝廉郭翹中家室東邊地忽軟於泥不

可下足屋瓦欲傾請於道人乃罡步植符而地如故

順治初蒲圻周生見道人負葫蘆行賣藥問之曰吾

偶寓跡仙棗亭詰朝可相訪次午登亭無所過

見漢陽志

張法和師有道術能以符水救人歿後神亦然

一微道人明崇禎修靜於邑之金龍山洞洞門懸構一樓辟穀其中至順治時自火化去

曹邦南道家者流有至性母歿仿丁蘭刻木事如生終身茹素情切濟人康熙七年與孝子孫廷秀倡修宗

嶽橋

卽西河橋見鄭夢馨橋記

宅傍朱家河亦要津也苦行募化

歷二十餘載建石橋聞其募化蒲邑富家某也跪階七日忽大雪富家見空中一女子擁蓋遮雨雪不沾身感而解囊焉橋成於康熙五十一年雍正六年募建觀音廟於橋側

金石

咸甯縣志

雜紀卷八

仙釋

三

李邕碑版留照四裔邕咸產也顧未有一焉嗜奇者心竊疑之然稽湖北金石存佚考咸亦紀載闕如蓋時歷千百年之久雖金石之堅也有時而泐而泐士欲搜羅舊跡摩挲玩賞而父老失傳羌無故實往往然矣用是攄懷舊之蓄念發思古之幽情徵文考獻聊紀見聞以備通志之採擇志金石 壬午續志補

石鐘 武昌記鐘臺山有一石鐘或時鳴響遠邇聞之

故名鐘臺裴子野宋略曰永嘉元年鐘山洪水

有鐘自山流出時人因以名之 見文獻通考

銅簫 光緒七年民葛東海於東皋山麓掘得之前註

達魯花赤縣尹校尉主簿縣尉典史教諭各職

宦姓名後註監造江崇德延祐六年己未三月

謹記

勝音寺鐘 元初土內掘出一鐘一日三時其音不同

寺名勝音以此

銅壺滴漏 明洪武癸酉年知縣張興祖建今廢

降魔符 明永樂二十年新安王施與潛山寺僧係九

換銅造至今尙存

西河寺鐘 明正德八年鑄迄今三百餘年屢歷兵燹

未燬音逾清越人以爲西河神之阿護云

咸甯縣志

雜紀卷八

金石

二十三

宋忠臣陳求道神道碑在西城外西河橋之東

明忠臣孟養浩神道碑在城東五里界路側

明楊劉二孝子齊芳碑在東閤外東皋山下

邑侯周曰庠去思碑 文載藝文

邑侯朱凌霄義助公田碑 文載藝文

邑侯邵齡庫樓碑 文載藝文

學師鄧膺聘德教去思頌碑 頌載藝文

邑侯陳煥世駕城橋碑 文載藝文

副使魏裳重修廟學碑 文載藝文

何邑侯捐修九政碑 文載藝文

贊宮棠樹碑

文載藝文

資福寺中興碑

文載藝文

邑侯饒拱辰德政頌碑

頌載藝文

邑侯汪靜淵殉節碑

舉人余益杞撰文并附

嗚呼自咸豐壬子粵逆擾咸至同治癸亥霆勇至咸城叛十餘年間流賊往來如織咸司牧戰賊者黃公鐘鳴死叛勇者羅公琳父子戰賊而卒同死賊者則惟汪公而已公以附生咸豐五年任時強寇據省垣制軍官文恭公文軍新溝圍漢陽府城中丞胡文忠公林翼軍洪山保安門方伯羅忠烈公澤南門小東

咸甯縣志

雜紀卷八

金石

二十四

門餘賊猶分擾屬縣公率勇弁唐某及其仲子樹聲六品銜募敢死士數百迭戰賊馬礮等處屢奏捷賊憚之六年四月以賊遠颺弛備賊夜襲城公率勇巷戰仲子猶持鎗殺數悍賊賊自其後聲火銃擊踏之城陷護勇翼公出北城勸公暫避圖恢復公曰城亡與亡分也敢愛死負平生哉遂投城濠以死賊退士民殮公殯城西越數年長公子某登賢書迎公毅魄以去時淒風苦雨如聞公父子驅義勇殺賊聲也夫公善戰不下黃公人或以黃公不死賊爲幸黃公固非不能死者公死忠公死孝大節凜然不朽死何

負公父子哉公不死賊卽老壽亦安能久視以生馬
伏波願馬革裹尸雖謂公父子幸死咸城豈不可也
若羅公抗叛勇以死咸人莫之稱者此其故尤當深
思也嗚呼公與羅公同一死守土而吾民之稱道迥
異其無徒以死重公也與公諱靜淵湖南人

吳陳氏節孝碑

訓導胡壁華撰文并附

余官咸甯司訓之明年吳生廷選來受業歲己亥廷
選應郡院試皆第一補弟子員庚子二月丁母艱母
固苦節遺腹生廷選撫之誨之俾至於成立者也壬
寅夏五月廷選服闋持節母行實求 上聞余嘗諷

咸甯縣志

雜紀卷八

金石

二十五

訪節母家世甚悉節母之曾祖母陳曾叔祖母朱孀
守撫孤前經 學憲王賜雙節競爽額咨 部請

題節母景仰前型克嗣徽音方之太妣無愧焉余遂
錄其實蹟申諸 大府循例請旌於朝及余將去任

廷選乞爲文勒諸貞珉余諾之而匆匆不果作也既
還里數月廷選復寓書申前請於是節母歿三年矣
余嘉廷選孝思之摯乃刪次其狀而書之曰節母姓

陳氏縣之一都處士疇萬公之女也自小閒靜及笄
歸吳君耀三年二十五耀三卒節母倉卒不欲生舅
位高公姑王母知其娠也曲諭以耀三之宜有後節

母感泣愈竭力盡婦職以陰慰其夫越三月廷選生節母念舅姑垂老日以孤子娛色笑盤飧必馨潔每舅姑有疾日夜侍湯藥惟謹後兩遭大喪悲戚至於毀瘠居恒茹蔬衣素澹泊自甘廷選少長承世父承德郎習之公命就外傳節母助以勵志砥學母負世父撫蓄意益勤紡績以助和丸迨廷選甫入庠而節母遽逝廷選之盡傷於心求所以表彰其母也宜哉古人守身以事親懍懍乎明善思誠而祿位顯揚猶後也然則廷選之所以不沒其母者事當有在不徒以余言爲重輕矣節母之生也以乾隆辛亥逮其沒

咸甯縣志

雜紀卷八

金石

二十六

享年五十守節二十有五年

王錢氏貞烈碑

員外郎劉名馨撰文并附

貞烈女錢一姑者生而警慧幼卽通曉女訓諸書行止中規矩父才萬爲相攸得道均王君王氏爲吾戚巨族予之姻親也道均君生三齡膺廢疾稍長貞女漸聞常私禱司竈前願減算以祈其瘳姑姊中偶有道及道均君以爲談笑者貞女輒正色拒之時伯母鄭氏孀居貞女常與之依夜同寢泪常濕枕上甚則作啼泣聲伯母比叩之則飾對云兒睡熟未有是也如是者有年迨及笄道均疾仍前渭川王翁聞貞女

賢甚不欲以道均累終身囑錢某婦微達此意貞女聞而泣曰父母生我只此一身將欲以兒爲二姓人耶是何言之謬也某婦悚然退父才翁母氏察其意甚堅亦不復議族里聞之莫不賢貞女而嘖嘖稱之弗衰乙酉歲十一月十一日道君年二十七竟以是疾去世王涓翁使走告錢并不令貞女知也貞女泣涕曰吾家人來非以郎君故耶慟絕復甦誓欲過門守孝時貞女祖士如翁年逾八旬貞女平日侍奉不少怠翁因是力阻之貞女恐傷厥祖心乃止姑姊連慰勸謂生不面王郎尊章未及事何自苦爲貞女佯

咸甯縣志

雜紀卷八

金石

二十七

諾且強作歡顏猶同伯母寢閱四日乘家人不備投繯自盡衣縞服麻髻素鞋悉具時乙酉年冬月十五日也先是嘉慶年間邑有貞節女楊三姑請准旌表建坊東方外聚而觀者甚衆叔母邀貞女往女答曰此豈人生做不到者耶何觀焉蓋貞女之志早決而其於大義聞之稔矣予又聞貞女歿後父母痛不忍舍欲於祖山安厝期已定起櫬時數十人力繼不符前因暫停焉及王涓翁率族衆衣冠拜迎輦柩若輕數十里遙日未旰卽至遂與道均君同塋人咸謂貞女慷慨就義死猶不昧云丙戌春學博王厚齋比部

雷藿郊已呈報蒙 旌貞烈女得垂不朽歲辛亥余
假歸里適貞烈女夫弟惟楚爲建坊表乞余一言麗
於碑余惟事關風教不容聽其無傳者亦吾黨之義
也遂不辭而紀其事

革派甲夫示碑

碑文併書後附

武昌府正堂何爲遵飭示禁事照得咸邑路當孔衝
差務絡繹例設排夫不敷應用不能不雇用民夫縣
不通商販所雇充夫之人悉係鄉間農民向來每六
十里發錢八十文農隙之時天氣晴和頗能應募若
農忙時天雨泥濘則無從雇覓因此大差往往致悞

咸甯縣志

雜紀卷八

金石

二十八

是以該縣向定章程凡農忙時大差經過如須添雇
民夫官出雇價先期發交各甲長預爲雇定臨時應
用自此方無貽悞至嘉慶十二年七月間縣民張開
儒等以縣役苛派勒索等情赴縣呈控蒙批飭查禁
止十三年三月間有甲民周漢文以差役包攬苛勒
等情並朱輝祥等先後上控又據該縣張查出張開
儒傳單斂費把持滋事等情通詳究辦均奉批府提
究當經前府審明詳奉

臬憲袁轉詳

督撫憲章

批結在案茲據周漢文王萬年施懷照曾述經樊

林羽陳正萬胡協功方松茂陳鳴岐祝金鳴周見都
李開堂宋輝祥張學希張正祥等赴 臬憲呈請給
示批府抄詳出示曉諭奉此本府遵查 臬憲抄

看內開該縣添雇民夫一事乾隆五十八年前司等
原議遇有重差額設排夫不敷應用准其附近馬頭
脚夫及附近鄉村食力貧民酌給工價雇募所議甚
屬允當今據訊明該縣並無馬頭嗣後如需添雇民
夫仍遵照前司等議定章程按照時價着令夫頭在
於鄉村食力貧民雇募應用毋得再赴各都紛派令
甲長雇募以杜弊端等因合行出示曉諭爲此示仰

咸甯縣志

雜紀卷八

金石

二十九

該保甲夫頭人等知悉嗣後遇有差使應須添雇民
夫照時價給發夫頭雇募應用該夫頭有短價強雇
情事並爾等食力貧民有藉差居奇額外勒索定行
分別究處其從前派令甲長雇夫永行革除倘縣役
再有勒索滋擾許被擾人具稟究辦決不寬貸各宜
凜遵毋違特示嘉慶十四年三月吉日刊

右碑革派甲夫給示刊立各都以杜後累者也當未
示革以前民不堪其擾矣捕役勾通刑書朦官舞弊
藉大差過境倚勢作威不着夫頭雇募勒派民夫始
也大差苛派後小差亦然始也有差勒索後無差亦

然窮民無告勢不得不聽其包攬以飽谿壑每年每
甲給夫銀數十兩閭邑十六都每都十甲共壹百六
十甲總計所得不下數千金然猶不自足也恣其貪
恠之性假設名目充甲有點卯費有認狀費有四季
規有查團月結規辦差又索松極稻草杉茨竹木等
物三六都上五都且有冬筭茶葉筭笠石灰等規小
民何辜誰能堪此使非

各大憲軫念民依審實嚴究議定章程革除一切陋規害
伊胡底哉有父母斯民之責者慎無使日久而弊生
又爲民害也摘錄小龍潭碑文以書於後錢光奎跋

咸甯縣志

雜紀卷八

拾遺

三

拾遺

祕書廿一種列拾遺記志郡國者率以拾遺殿焉舊志
補遺今已歸入正志矣然有爲正志所未及詳者概吐
棄一切斷壁零璣不將墜於地乎與其過而廢也毋甯
過而存之賦詩斷章取以資博考焉可也志拾遺 壬午
續志補

雲麾將軍李思訓碑爲北海最妙之跡今剝落已甚宋
以前塌本舊藏京師李貢士家爲趙文敏故物其題簽
乃手書也李北海有兩雲麾碑一李思訓一李秀官同
姓又同思訓碑在陝西秀碑在良鄉秦人著石墨鐫華

者乃以爲一碑且以北碑爲趙文敏所臨誤矣銷夏記

岳麓碑李北海撰并書雖已殘剝然其鋒穎尚凌厲不可一世北海奇人故所書爾爾昔俞仲蔚謂此碑勝雲麾必有所見也北海諸碑皆手自鑄所云黃仙鶴伏苓芝無其人而托名也歐陽公云李邕書余始不甚好好之最晚譬猶結交其始也難則其合也必久全銷夏記

歙州刺史葉明慧碑乃八分書道雅大有東京遺意久傳爲李北海書然碑首錯落不敢定金石略載有道先生葉公碑不載此碑銷夏記

北海書始變石軍行法頓挫起伏陽冰謂書中得仙手

咸甯縣志

雜紀卷八

拾遺

三十一

襄陽物獨孤冊遺愛頌碑李邕撰

通志

襄陽牧衛遺愛頌碑天寶中立李邕撰

通志

漢陽王張柬之碑貞元十二年十一月立李邕撰

通志

董道書跋予見荊州李邕六公詠石刻文旣不列詩

句可偉豪氣激發如見斷鰲立極時宜老杜有朗詠六

公篇云云也

六公謂張柬之桓彥範敬暉崔元暉袁恕己狄仁傑也

馮當世少孤寓武昌縱酒不羈一夕醉卧郊外溪邊有

漁者罷漁艤舟困眠有人叱之曰馮侍中在此安得不

避漁者驚起步月岸上一人衣冠熟睡草間詢之知爲

馮也卽拜曰他日貴顯幸勿忘具以所夢告因請卧舟

中以避風露馮睡至晚與共載入郡後馮貴使訪漁舟
不復見 澠水燕談錄

馮當世未第時客餘杭縣爲官逋拘窘計無所出悶題
小詩於所寓寺壁一胥魁范生見之爲白縣令丐寬假
令疑胥受賂游說胥曰馮秀才甚貧但見所留詩他日
必貴顯無疑因誦其詩令遽釋之其詩云韓信棲遲項
羽窮手提長劍喝秋風可憐四海蒼生眼不識男兒未

濟中 泊宅編

馮當世有詩號潛山集皆其未遇時所作如瑟彈夜月
龍魂冷劍擊秋風鬼膽粗吟氣老懷長劍古醉胸橫得

咸甯縣志

雜紀卷八

拾遺

三十一

太行寬塵埃掉臂離長陌琴酒和雲入舊山豐年足酒
客身易世路無媒着脚難皆不凡語也 鶴林玉露

雲齊廣錄記馮當世慶厯中以鄂州薦至大江風濤洶
湧幾至沉沒來春廷試第一還過大江風微浪穩舟楫
安然公題詩江亭云江神也世情爲我風光好余讀唐
文粹見施肩吾及第後過楊子江詩云憶昔將真年抱
愁此江邊魚龍闔閃爍黑浪高於天今日步春草復來
經此道江神也世情爲我風光好乃知當世取肩吾未
句題於江亭耳非自作也 復齋漫錄

漢陽張昌宗處家以義厯世不分馮京贈以詩云一水

潞洄遶洳村子房苗裔此間存同居八世三千口可惜

君恩未表門漢陽守孫杓知之嘉其義為納稅焉事聞

旌曰義門 漢陽志

永安 咸舊為永安鎮 懿簡王孟炯昭王庶二子洪武三十二年

封 又云建文元年 宣德七年薨莊惠王季整懿簡庶一子正統

二年以鎮國將軍進封成化四年薨悼懷王均鏗先卒

靖懿王榮澹嗣成化八年襲封正德十五年薨昭定王

顯梧靖懿嫡一子嘉靖六年襲封本年薨恭順王英煥

昭定嫡一子嘉靖二十八年襲封薨榮惠王華珠恭順

嫡一子萬曆三年襲封薨蘊鍾榮惠嫡一子萬曆三年

咸甯縣志

雜紀卷八

拾遺

三十三

封長子既而襲封盛落蘊鍾嫡子卒谷折盛藩嫡一子

萬曆三十八年封長孫既而襲封 通志

明初諸王分藩之國亦典軍事靖難後始奪諸王兵柄

自是之國或不於其地撤護衛仰廩祿於縣官空名守

藩而已縣四都橫溝橋殷家嘴等處更名租餉即廢藩

田地名民納價而更名 參郡志

王煥字午槐號鍾白嘗為江西高安縣令入覲時諸

大老以詩贈其行詩云江水清清江月明酌杯江水送

君行此情非是從涼薄君與江流一樣清煥之居官滿

兼於此見矣 舊志

戶部主事王大寰熊襄愍公廷弼女倩也熊罷官至寰家與寰兄弟輩漁於黃鉅橋溪舉網得雙鯉焉先一夕漁人夢水神語云熊經畧明日來此網魚宜預爲馭之至是果應今碑鐫熊經畧舉網得魚處猶存溪邊

江夏志

崇禎十七年闖賊爲清兵所逼奔竄湖北總督何騰蛟檄飭各州縣團防咸知縣事陳鶴齡聯絡鄉勇以待逼闖以二十八騎登九宮山鄉兵四起截殺於亂刃之下見何騰蛟逸闖伏誅疏

錢有鞏字彊仁號痴巖臨湘訓導有年其兄也性聰雋

甫成章補弟子員潛心好學工文章李府尊葉觀察觀

咸甯縣志

雜紀卷八

拾遺

三十四

風均取第一移居縣北城內喜咏吟邑侯何廷鞞器重之唱和無虛日亦名下士也康熙六年

御製秋日闡怨七律限溪西雞齊啼韻內用一二三四五六

七八九十百千萬半雙兩丈尺十八字鞏擬一首詩云

百尺樓頭千丈溪欄杆十二六橋西四時一對雙飛鳥

五夜三更獨聽雞半幅魚書愁莫寄兩行鴈字寫難齊

七絃八別腸迴九萬里情牽掩淚啼

邑宰陳煥世工吟咏書法通神墨跡留感不少所寫多

其所作步西河橋得句云長虹千里鏡城圍綠野桑麻

翠幄連筒數輕鷗浮淺筏一燈漁唱晚鐘天亦書以贈

邑紳

邑侯溫宜鏡號玉山罷官去成年餘矣不忘斯民重來此地臨行製七律二首留別歲貢旃旃嚴昌遜次韻奉和錄其一云竹馬騰歡夾道迎者耆又見佛如生談來經濟純乎古讀到文章總不平

侯著玉山文集分贈

後樹棠陰留

馬跡一城雀躍繪輿情民間雜黍多餘物爭向郵亭作

大烹

設字碑後語

吾楚咸甯周君煦生以咸豐壬子同余弟叔鸞中書家績舉於鄉而叔鸞僅中副車今叔鸞之墓五易草矣而君謁選得城固令同治己巳與家壁過於秦中出葬母

咸甯縣志

雜紀卷八

拾遺

三十五

周原圖屬題其未遷葬也冢祠祺夢倪慶雲者告以地且曰張公魯魯公廟登山握左拳寤而疑之及君卜得其邑之周袁山買而更之曰周原葬焉墓域之左有里社旁有碑曰張公魯廷之墓詭與夢合因問居人有倪慶雲否則居閒署券者之父適字慶雲蓋於文人兒爲倪也此殆有前定耶傳記樛里滕公袁安陶士行沈彬爭豈盡誣也夫自委壑而藁掩而薪衣而封樹而五行堪輿青烏黃囊之說興此因斯人至性之不容已而遞生焉者也爲人子者非敢藉遺骸以求福然意不在壽福而委遺骸於溝壑豈人子之心哉守禮行善而盡心

以安其親此人子可爲者也自求多福有道雖聖賢不以爲非而以地形之學程子不道遂謂近人所相地形必非庖犧俯察之理蓋亦疑事而質矣夫地形家言彭祖言公劉言夏王周公言孔子子貢或出傳會而間亦有徵於詩書以郭景純之忠節周子朱子蔡季通之道學而亦於是兢兢焉豈亦有世俗之見而爲之者哉且自是說盛行而殉葬之風息矣是安親之餘亦有以體好生之心而有補救於世俗也但惑於其說或違禮而久不葬或葬焉而屢遷不已欲安其親而不知所以安親斯不可耳孔子曰吾聞之古不修墓蓋慎之於始也余

咸甯縣志

雜紀卷八

三

家先塋多在黃州先祖母葬大冶胄山麓梅堰背而先父母葬武昌石山麓王家背一曰金粟墩以土言也叔鸞季鸞祠焉亡室程恭人亦祔此山去先墓十數武壁題照生是圖南望楚山不禁怦怦心動而哀親算有時盡白雲無盡時也 狄雲行館偶刊

